



44978 LA
FONTEAINE

H. 5729.

De laquelle sortent plusieurs
consolations nécessaires aux
cœurs affligés.

Plus y est adioustée l'instru-
ction pour les enfans.

*Qui a soif vienne a moy & boiue.
Saint. Iehan. 7.*

A ORLEANS

Par Eloy Gibier.

M. D. L. I. X.

DE LA VERTU
& efficace de ceste pre-
sente Fontaine de
Vie.

O cler Ruysseau, plein de toute liqueur,
Coulant du Ciel pour consoler le cœur
De cil, qu'en foy ton goust veult sauourer,
Bien heureux est qui te peut deuorer:
Car grand salut, à qui te boit, apportes:
Et (que plus est) les eaux salles & mortes,
Quel es mondains tant on voulu cherir,
Tu leur as faiët l'ort appetit perir:
En leur donnant (de ta grace) l'enuie
Puyser de l'eau de Fontaine de vie.



AV LECTEUR
Chrestien. Salut



*C*et petit recueil de senten-
ces, nommé la Fontaine de
vie, se vient offrir deuant
tes yeulx (amy lecteur) a



fin que ta beneuolence le recoine cõ-
me vn thresor contenant les celestes
promesses que Dieu a faiçt a ses es-
leuz, de laquelle Fontaine sortēt tres
gracieuses consolations a ceulx qui
sont constituez en quelque afflictio
spirituelle ou temporelle. Puis donq
qu'il plaist à la bonté diuine de nous
cõsoler si amoureuxmēt, & de nous
appeller à la congnoissance de ses tāt
excellens misteres, ne soyons point si
ingratz, de vouloir refuser sa sain-
cte vocation, & diuine consolation.

ains d'une cordiale affection, recon
rons a icelle: Et considerõs, que le S.
Esprit n'a pas inutilement, & sans
raison incitez les sainctz Prophetes
a prononcer telz propos: ainsi que le
Royal Prophete David, & le tant
sage Salomõ, & les diuins Apostres
nous rendent suffisant tesmoi-
gnage. A cause de quoy te sup
plie, prendre nostre
labour en bõne
part. Dieu soit
avec
toy.

LA
FONTAINE
DE VIE.

*De laquelle sortent plusieurs con-
solations necessaires aux
cœurs affligez.*



Ous tous ayans soif, venez
aux eues, & qui n'avez
point d'argent, venez ache
ptez, & mangez. Venez &
acheptez sans argent, & fâs
commutation, vin & laiêt.

Esaié. 55.

Je dōneray à celuy qui a soif pourneâr
de leue de la Fontaine de vie.

Apo. 21.

Qui surmontera il possedera tout.
Et ie seray son dieu, & il sera mon filz.

Je suis le Seigneur vostre Dieu, redou
té zelateur, qui enquiers les iniquitez
du Pere aux enfans, iusques à la troisie-
me, & quatriesme generation de ceulx
qui me hayent.

Exo. 20.

Et ie faiêtz misericorde en beaucoup

de milles de ceulx qui m'ayment, & gardent mes commandemens.

Pro. 8. J'ayme ceulx qui m'ayment, & qui veillent au matin à moy ilz me trouueront.

Hiere. 29 Je scay les pensées que ie pense sur vo^s, pensées de paix, & non point d'ennuy, que ie vous donneray la fin & patience, & vous m'inuoquerez, & vous viurez, & m'adorerez, & ie vous oiray: vous me chercherez, & m'e trouuererez: quant vous me cherchez de tout vostre cueur, ie seray trouué de vous,

Cherchez moy, & vous me trouuerez.

Amos. 5. Couerrissez vous a moy, & ie me conuertiray à vous.

Zacha. 1. Couuertissez vous à moy, & vous serez sauluez.

Esai. 55. Enclinez voz oreilles, & venez à moy: escoutez & vostre ame viura, car ie feray avec vous vne perpetuelle alliance, les fidelles misericorde de dauid.

Leui. 26. Mon ame ne vous deiettera point, & ie chemineray entre vous, & ie seray vostre Dieu, & vous serez mon peuple.

Hie. 9. Le sage ne s'esiouisse pas en sa science: & le fort nes'esiouisse pas en sa force & le riche ne s'esiouisse pas en sa riche

se: mais qui se resiouist, il se resiouisse en ce qu'il ne scait & cognoist, que ie suis le seigneur qui faiçt misericorde, & iugement, & iustice en la terre.

Et outre vn homme n'appredra point *Hie. 31.* son prochain, & vn homme son frere en disant, cognoissez le seigneur: car ilz me congnoistront tous, depuis le plus grand iusques au plus petit, car ie seray propite à leurs iniquitez, & ne penserez plus à leurs pechez:

Et vous scaurez que ie suis le Seigneur *Exe. 34.* quand ie vous auray bien faiçt, pour l'amour de mon nom, & non point selon voz mauuaises voyes, ne selon voz tresmauuais meffaiçtz.

Le paistray moy mesmes mes brebis & *Exe. 30.* les feray coucher ensemble. Ie requerray ce qui estoit perdu, & ie rameneray ce qui estoit deietté, & ie relieray ce qui estoit rompu, & ie renforceray ce qui estoit foible, & ie garderay ce qui est gras & fort, & ie les paistray avec iugement vous estes mon troupeau,

Ie ne le feray point pour l'amour de *Exe. 36.* vous mais pour l'amour de mon saint nom, &c. Ie vous donneray vn nouveau cœur, & mettray vn nouuel esprit au mi

lieu de vous, Pour l'amour de vous ne le feray ie point qu'il vous soit notoire. Ayez vergongne & honte de voz voyes.

Esa. 42.

Je suis le seigneur, voyla mon nom, ie ne donneray point mon honneur à vn autre.

Esa. 43.

Et tous ceulx qui inuocquent mon nō ie le ay crée à mō hōneur, ie les ay faictz & formez.

Isa. 13.

Il inuocquera mon nom, & ie l'exaulceray. Et ie diray, vous estes mon peuple & le peuple dira le Seigneur est mon Dieu.

Isa. 90.

Pourtant qu'il a esperé en moy ie le deliureray, ie le preseueray, car il cōgnoist mon nom.

Exo. 22.

Il m'a inuocqué, & ie l'exaulceray, ie suis aupres de luy en tribulation, ie le deliureray & le honoreray. S'il me inuocque, ie l'exaulceray car ie suis misericordieux.

Esaie. 65.

Et sera deuant qu'il inuocquent, ie les exaulceray & quand ilz parlent encores ie les oirray.

Esa. 66.

Ausquelz regarderay ie, si non aux pauures, & rompuz d'esprit, qui tremblent a ma parolle?

Esa. 65.

Regardé ie suis icy, car ie suis misericordieux

dieux le Seigneur ton Dieu. Comme vn
que sa mere conforte, ainsi vous conforteray ie.

Esaie. 66.

Peult vne femme oublier ses enfãs tel
lement, qu'elle n'ayt point misericorde
du filz de son ventre? Cõbien aussi qu'elle
le l'oubliroit, ie ne vous oublieray point

Esa. 49.

Moymesmes ie vous conforteray.

Ie suys, ie suis mesmes qui efface, voz
pechez pour l'amour de moy, & ne pen
seray point de voz pechez.

Esaie. 51.

Esaie. 43.

Pour l'amour de mon nom, i' eslongne
ray de vous ma fureur, & vous brideray
de ma louëge, a fin que vous ne meurez
point, regardez, ie vous ay esprouez,
& nõ point cõme argët Ie vous ay esleuz
en la fournaise de poureté. Pour l'a-
mour de moy, pour l'amour de moy fe-
ray ie que ie ne loye point blasphemé, &
ne donneray point mon honneur à vn
autre.

Esaie. 48.

Ie suis, ie suis le Seigneur, & sans moy
n'ya point de sauueur.

Esaie. 43.

Ne suis ie pas le Seigneur, & n'ya poit
d'autre Dieu excepté moy? vn iuste dieu
& n'ya nul qui sauue, excepte moy.

Esaie. 45.

Pourtant que ie suis Dieu, & n'ya poit
d'autre, & n'ya aussi nul seblable a moy.

Esaie. 46.

annonçant des le commencement le
dernier, & des le commencement, qu'ilz
ne font pas encore faictz, disant: Mō cō
seil demeurera ferme & toute ma volū
té sera faicte. Iay approché ma iustice,
elle ne sera pas loing, & mō salut ne tar
dera point.

Dent. 32. Regarde maintenant, que ie suis seul,
& qu'il n'y a point de Dieu sans moy.
Ie tueray, & viuifieray, ie frapperay, &
gueriray, & n'ya nul, qui le puisse deli
urer de ma main.

Esa. 48. Ie suis le seigneur ton Dieu, te ensei
gnant choses prouffitables, te gouuer
nant en la voye, en laquelle tu chemines

Esa. 54. Les montagnes trembleront, & les mō
ceaulx seront communs: mais ma mise
ricorde ne s'en yra pas de toy: & l'aliāce
de ma paix ne se mourra point.

I'ay osté voz iniquitez, cōme vne nuee
& voz pechez comme vne bru ne, retour
nez vous à moy car ie vous ay deliurez.

Hiere. 13. Et en perpetuelle dilection ie vous ay
aymez: pourtant ayant de vous miseri
corde ie vous ay attirez à moy.

Osée. 2. Et ie vous espouseray à moy eternelle
ment, & ie vous espouseray à moy en iu
stice & iugement, & en misericorde. Et

Je vous espouſeray a moy en foy, & adõc
congnoiſtrez que ie ſuis le Seigneur vo
ſtre Sauueur & redempteur le fort de
Iacob.

Eſa. 60.

Je ſuis le Seigneur, & ne ſuis point mue.

Je ne veulx point la mort du pecheur
mais qu'il ſe conuertiffe & viue.

Mala. 3.

Ezech. 18.

Je ne veulx poõt la mort des mauuais
mais q̄ le mauuais retourne de ſes voy
ies & qu'il viue.

Ezech. 33.

Eſay. 30.

S'il eſt que vous, vo^s retournez & repo
ſez vous ſerez ſauluez.

Inuocquez moy au temps de tribula
tion, & ie vous deliureray, & vous me
honorerez.

Enfans ſoiez conuertis, en vous re
tournans, & ie gueriray voſtre conuer
ſion.

Pſal. 49.

Hierc. 3.

Je couüriray voz cicatrices, & ie vous
gueriray de voz playes.

Hierc. 30.

Soyez ſur la voye, & regardez, & demã
dez des anciennes ſentes, qui eſt la bõne
voye, & chemines la dedãs, & vous trou
uerez refrigeration poür vos ames.

Hierc. 6.

Hierc. 5.

Allez autour des voyes de Hieruſalem
& regardez, conſiderez, & cherchez, ſi
vous trouuez aucun homme, qui faiſt
iugement & qui cherche foy & ie leur

feray misericordieux.

Esa. 57. Qui se confie, sur moy, il sera heritier
Esa. 32. de la terre, & possedera mes saintes mō
 taignes. Mon peuple sera assis en gran-
 deur de paix aux tabernacles de confi-
 dānce, & en vn riche repos.

Ose. 11. Je les retireray es liens d'Adā, aux lyés
Ose. 13. d'amour.

Je les deliureray des mains de la mort
 ie les deliureray de la mort. O mort ie
 seray ta mort. O enfer ie seray ton mor-
zachar. 10 seau.

Je les conuertiray, car i'auray deux mi-
 sericorde.

Ose. 14. Je gueriray leur contriotion, ie les ay-
 meray d'vne franche volonté, car mon
 courroux est destourné d'eulx.

Esa. 57. Je ne tanceray pas eternellement, & ie
 ne me courrouceray pas iusques en la
 fin.

Esa. 43. Ne vueillez pas craindre, car ie vous ay
Hie. 39. deliuré : & vous ay nommé par vostre
 nom, vous m'appartenez. Vostre ame se-
 ra en salut, car vous auez eu confiance
 en moy.

zach. 2. Qui vous touche, il touche la paupiere
 de mon œil.

Esaye. 60 En mon courroux, ie vous ay frappé, &

en ma reconciliation, i'ay eu misericordie de de vous.

Fille de Sion resiouy toy assez, fille de Hierusalem soys ioyeuse. Voicy tō Roy viendra, iuste vng sauueur: il est pauvre & sied sur vne asnesse. *24c.9.*

Regardez, icy est mon filz, lequel i'ay esleu, & mon ayme, auquel mon ame à vn bon plaisir: ie mettray mon esprit sur luy, & annoncera iugement aux gens, il ne tencera point, & ne criera point, & nul n'orra sa voix es rues. Il ne rompra point ce roseau cassant, & n'estaindra pas le lin fumant, tant qu'il iettera hors le iugement pour vne suppeditation, & les gens espereront en son nom. *Esa. 41. Math. 12.*

Regardez, ie le dōnoye au peuple pour vn tesmoing, vn prince, & legislateur du peuple. *Esa. 55.*

Et ilz me seront vn peuple, & ie leur seray pour vn Dieu: & David mon seruiteur leur sera vn roy, & sera vn pasteur par dessus eulx tous. *Exe. 37.*

Je leur susciteray vn prophete de leurs freres, & donneray ma parole en sa bouche. Il parlera à eulx tout ce que ie luy commanderay. *deut. 18.*

En sa dilection, & en sa grace il les à

deliurez.

Esa. 63. Mon iuste seruiteur fera beaucoup de
Esaye 53. iustes en sa science, & portera luy mesmes leurs iniustices.

Et il à porte les pechez de plusieurs, & il à prie pour les transgresseurs.

Iehan 1 Voyla l'Aigneau de Dieu, qui oste les pechez lu monde.

Psal. 67. Quand il estoit môté en hault, il à pris
Ept. 4. la pri on prisonniere, & à doané dons
Esuye 59. aux hommes.

Rom. 11. Il vjédra de Sion cestuy, qui rachepre & il conuertira l'iniquité de Iacob.

Venant il viendra, & ne tardera point:

Abac. 2. Le sceptre ne sera point osté de Iuda, ne vn maistre de son pied, iusques a tât que viéne cestuy, qui doibt estre enuoyé & il sera vne attente du peuple.

Gene. 49. Il liera son poulain à la vigne & le filz de son asnesse à la branche.

Il lauera ses vestemens en vin, & son manteau au sang de grappe de raisin.

Luc 9. Cestuy cy est mon filz bien aymé, oyez le.



Esprit du seigneur est sus moy, pource que le seigneur m'a oingt, il m'a enuoyé pour annôcer aux pauures pour guerir les tristes de cœur, & pour prescher redemption aux prisonniers, & aux liez ouuerture de prison, afin que ie preschasse l'an reconciliable au Seigneur, & le iour de la vengeance de nostre Dieu: afin que ie consolasse, les plorans, pour ordonnet les plorans de Sion, afin que beaulté, pour la pouldre leur soit donnée: l'huylle de ioye, pour pleur: le manteau de louage pour l'esprit trauaillé.

Luc 4.

Esa. 61.

I'ay pressé la presse seul: & des gens il n'y auoit nul homme avec moy.

I'ay donné mon doz aux frappeurs, & mes ioues aux buffeteurs: ien'ay poit destourné ma face de l'ire & crachure

Esa. 63.

Et le Seigneur dominateur m'aydera

Esaye 50.

pourtant ne suis ie pas confuz.
 Je suis α , & ω , le commencement, & la fin, dit le seigneur q est, & qui estoit & qui viédra le tout puissant. Ne vueillez poit craindre: ie suis le premier & le dernier viuât, & estoie mort: & voyez cy ie suis viuât des l'eternité iusqs eternelle-

Apo. 1.

ment

& ay la clef de la mort, & d'enfer.

Apo. 22. Je suis la racine, & la lignée de Dauid vne estoille du jour, & c. Qui à soif il vienne, & qui veult il prenne l'eau de vie pour neant.

Iehan. 4. Qui boit de l'eau, que ie donneray il n'aura iamais soif: Mais l'eau, que ie luy donneray, elle luy sera faicte vne fontaine d'eau, qui sault en la vie eternelle.

Iehan. 7. Qui à soif il vienne à moy, & boiue: qui croit en moy, comme dict l'escripture de son ventre sortiront eaux viuentes.

Iehan. 6. Je suis le pain de vie, qui viét à moy il n'aura point faim, & qui croit en moy il n'aura iamais soif.

Ma chair est la vraye viande, & mon sang est le vray boire, qui mange ma chair & boit mon sang, il demeure en moy, & moy en luy.

Ioh. 9. Je suis la vigne, & vous estes les brâches: qui demeure en moy, & moy en luy il apporte beaucoup de fruit, car sans moy vous ne pouez riens faire.

I. II. Demeurez en moy, & moy en vous comme la brâche de vigne ne peut porter fruit d'elle mesme, si ce n'est qu'elle

demeure en lavigne, ainsi ne vous aussy si ce n'est que vous demourez en moy.

Si vous demourez en moy, & ma parolle demoure en vous, vous demanderez ce que vous voulez, & il vous sera fait.

Tout ce que mon pere me donne vien dra à moy, & qui vient à moy ie ne le de jecteray point. *Iehan 6.*

Venez a moy vous tous qui labourez & estes chargez, & ie vous consolerez, prenez mon ioug sur vous, & apprenez de moy, car ie suis doux & humble de cœur, & vous trouuerez repos à voz ames, car mon ioug est paisible & doux & ma charge est legiere. *Math. 11.*

Cecy est mon cōmandement, que vous aimez l'vn lautre, comme ie vous aime, nul n'a plus grād amour, que cestui, qui donne sa vie pour ses amis. Vous estes mes amis, si vous faiçtes ce que ie vous commande. *Iehan 15.*

Vous ne m'avez point esleu, mais ie vous ay esleuz. *Iehan. 16.*

Le pere vous aime pourtant, que vous m'avez aimé, & croiez, que ie suis venu de Dieu. *Math. 12.*

Qui faiçt la volonte' de mon pere, qui est au ciel, il est mon frere, & seur &

mere.

Voyla la volunté de mon Pere, qui m'a enuoyé, qui voyt le Filz & croyt en luy, il aura la vie eternelle, & ie le resusciteray au dernier iour.

Jean. 6.

Pour vray, pour vray ie vous dy, qui se confie en moy, il à vie eternelle.

Qui m'ayme, il sera aymé de mon Pere, & ie l'aymeray, & me manifesteray à luy.

Jean 14.

Qui m'ayme, il gardera ma parole, & mon pere l'aymera, & nous viendros à luy, & ferons demeure avec luy.

Si vous m'aymez, gardez mes commandemens, & ie prieray le Pere, & il vous donnera vn consolateur, lequel demeurera avec vous eternellement l'esprit de verité.

Ie ne vous lairray pas orphelins; ie viendray à vous.

Jean. 14.

Si ie m'en vøys pour vous prerarer la place, ie reuiendray, & vous prendray à moy, afin que vous soyez, ou ie suis.

Ie vous laisse la paix, ie vous donne ma paix, ie ne la vous donne point comme le monde la dõne; vostre cœur ne se trouble poõt, & ne craignez point.

Jean 16.

Vous aurez au môde tristesse; mais soyez consolez; i'ay surmonté le monde.

Pourquoy craignez vous, vous qui *Matt. 8.*
 estes de petite foy? *Mat. 14.*
 Cōfiez vous: ie suis, ne craignez point. *Luc. 12.*
 Vous petite assemblee, ne craignez
 point, car il plaist à vostre Pere de vous *Matt. 18.*
 donner le royaulme.

Ce n'est pas la volunté de vostre pe-
 re, qui est au ciel, qu'un de ses plus petis
 soit perdu.

Le filz de l'homme est venu pour *Luc. 9.*
 sauluer ce qui estoit perdu.

Le Filz de l'Hōme n'est pas venu pour
 damner l'ame, mais pour la sauluer.

Dieu n'a point enuoyé son filz en ce
 monde, pour condāner le monde, mais
 afin que le monde soit saulé par luy.

Qui croit en luy, il ne sera point con-
 damnez mais qui ne croit point en luy
 il est desia iuge: pourtāt qu'il n'a point
 creu au nom du filz de Dieu vnicque,

Le Pere ayme le filz, & luy a tout
 donné en ses mains: qui croyt au filz, il
 a la vie eternelle: mais qui ne croyt au
 filz, il ne verra point la vie, mais l'yre
 de Dieu demeure sur luy.

Je suis la resurrection, & la vie: qui *Jean 11.*
 croyt en moy il ne mourra point eter-
 nellement.

Iehan. 8. Je suis la lumiere du monde : qui me
s'uit, il ne chemine point en tenebres,
mais il aura la lumiere de vie.

Cheminez tandis, que vous auez la lu
miere, a fin que les tenebres ne vous cõ
prennent point.

Iehan. 12. Je suis la voye, la verité, & la vie: nul ne
vient au pere, sinon que par moy.

Iehan. 15. Je suis l'huis: qui entre par moy, il sera
sauué, & entrera, & sortira, & trouue
ra pasture.

Iehan. 10. Je suis vn bon pasteur.

Vn bon pasteur donne sa vie, pour ses
brebis.

Je suis venu a fin quil puissent auoir
la vie, & plus abondamment.

Mes brebis oyent ma voyx, & ie les cõ
gnois & me suyent, & ie leur donne la
vie eternelle, & ne periront iamais, &
nul ne les osterà hors de ma main.

Le pere, qui me les à donnees il est le
plus grand de tous & nul ne les peut o-
ster hors de la main de mon Pere.

Moy & mon pere sommes vn.

Iehan. 12. Quand ie seray esleué de la terre, ie ti
reray tout a moy.

Iehan. 3. Comme Moysè à esleué vn serpent au
desert: ainsi faut il, que le filz de l'Hom

me soit esleué, afin que tous ceulx qui croient en luy ne perissent point, mais aiant la vie eternelle.

Dieu à tant aimé le monde qu'il à donné son filz vnicque, afin que tout hōme, qui croit en luy, ne perisse point, mais qu'il ait la vie eternelle.

Pour vray, pour vray ie vous dys qui *Iehan. 5.* oit ma parolle, & croit en celuy, qui ma enuoyé il a la vie eternelle, & ne vient point en condénation, mais il passe de mort à la vie.

Bien heureux sont ceulx, qui oiēt la parolle de Dieu, & la gardent.

Pour vraie, ie vous dictz, si aucun garde ma parolle, il ne verra point la mort eternellement. *Luc. ii.*

Si vous demourez en mes parolles, *Iean. 8.* vous estes vraiment mes disciples, & vous congnoistres la verité & la verité vous deliurera.

Le ciel & la terre passeront, mais mes parolles ne passeront point. *Matt. 14*

Bien heureux sont les paoures desprit, car le royaume des cieulx appartient à eux.

Bien heureux sont ceulx qui pleurent, *Math.* car ilz seront consolez.

Bien heureux sont les debonnaires,
car ilz possederont la terre.

Bien heureux sont ceux qui ont fait
& soif de iustice, car ilz seront rassasiez.

Bien heureux sont les misericordieux,
car ilz obtiendront misericorde.

Bien heureux sont ceulx qui sont purs
de cœur, car ilz verront Dieu.

Bien heureux sont ceulx qui font paix,
car ilz seront appelez enfans de Dieu.

Bien heureux sont ceulx qui sont per-
secutez pour l'amour de iustice, car le
royaulme des cieulx appartient à eulx.

Vous serez bien heureux quand les
hommes vous hairont, & persecuteront
pour l'amour de moy, & disans tout
mal de vous en mentent.

Resiouvillez vous, car vostre loyer est
grand es cieulx.

Vn cheveu de vostre teste ne perira
point; possédez voz ames en patience.

Luc 21. Ne sont point venduz deux petits pas-
Mat. 10. sercaulx pour vn petit denier, & nul d'i-
ceulx ne chet sur la terre sans vostre Pe-
re: mais tous les cheueulx de vostre tes-
te sont comptez: pourtant ne craignez
point, car vous estes de plus grand va-
leur que beaucoup de passereaulx.

Pourtant qui me confesse deuant les hommes, ie le confesseray aussi deuant mon Pere qui est au ciel.

Mais qui me renonce deuant les hommes, ie le denieray deuant mon Pere qui est es cieulx.

Tout pechez & blaspheme sera pardonne aux hommes, mais blaspheme contre le sainct Esprit, ne sera point pardonne.

L'euangile est preschee aux paoures, & bien heureux est celuy qui n'est point scandalizé en moy.

Le temps est accompli, & le royaume de Dieu approche: amendez vous & croyez à l'Euangile.

Tous ceulx qui delaissent maison, ou frere, ou seur, ou pere, ou mere, ou femme, ou enfans, ou chaps pour l'amour de moy: Il en receuront cent fois plus, & possederont la vie eternelle.

Resiouissez vous, car voz noms sont escript au cieulx.

Ie vous dys, il y aura plus grand ioye au ciel d'un pecheur qui à repentence, que de nonâte & neuf iustes, qui n'ont point indigence de penitence.

Qui est sain, il n'a point indigence

Matt. 12.

Matt. 11.

Marc 1.

Matt. 19.

Luc 10.

Luc 15.

Math. 9.

du medecin: mais cestui qui est malade en à besoing: ie veulx misericorde, & nō point oblation.

Le ne suis point venu pour appeller les iustes, mais pour appeller les pecheurs à repentance.

Le filz de l'homme est venu pour chercher & sauuer ce qui estoit perdu.

Le ne suis point venu pour iuger le nō de: mais afin de sauuer le mōde.

Le filz de l'hōme n'est point venu pour estre serui: mais pour seruir & donner sa vie en redemption pour plusieurs.

Je suis au milieu de vous, comme cestuy qui sert.

Je vous donne vn nouueau commandēt, c'est que vous aimez l'vn l'autre comme ie vous ay aimez.

Si vous pardonnez aux hommes leurs meffaiētz, vostre pere celeste aussi vous pardonnera, mais si vous ne pardonnez, aux hommes leurs meffaiētz, vostre pere celeste ne vous pardonnera point aussi si voz meffaiētz.

Ce qui est aux hommes impossible, il est possible à Dieu.

Aimez voz ennemis, benissez ceux qui vous maudissent, & faictes bien à ceulx

qui vous hayēt: & priez pour ceulx qui vous font peine & perfecutent, afin que vous soyes les enfans de vostre pere qui est au Ciel qui faiēt luire son Soleil sur les bons & les mauuais, & faiēt plouuoir sur les iustes, & iniustes. Car il est bening sur les ingratz & mauuais.

Venez les benedictz de mon pere, possedez le royaume qui vous est preparé des le commencement du monde. *Luc. 6.*

Pour vray ie vous dy, tout ce que vous ferez à vn de mes pl⁹petits, vous le m'auuez faiēt. *Mat. 25.*

Les iustes resplendiront comme le Soleil au royaume de leur pere. *Mat. 13.*

Toute puissance m'est donnée au ciel, & en la terre: Pour ce allez & enseignez toutes gens, les baptizans au n^o du Pere, & du filz, & du saint esprit, les enseignans de garder tout ce que ie vous ay commadé. Et voyez cy, ie suis avec vous iusques à la fin du monde. *Mat. 28.*

Allez à mes freres, & leur dictes, ie m^ote à mon pere & vostre pere, à m^o Dieu & vostre Dieu. *Iehan. 20.*

Vostre cœur ne soit point trouble, si vous croyez en Dieu, vous croyez aussi en moy. *Iehan. 14.*

En la maison de mon Pere il ya beaucoup de demeures, s'il n'estoit point ainsi ie le vous eusse dict. Ie m'en voys, pour vous preparer la place.

Comme mon Pere ma ayme, ainsi vous ay- ie aussi aymé.

Jean 15.

Jean 14.

Si vous priez quelques choses en mon nom, cela feray ie, afin que le Pere soit honoré par le Filz. Si vous priez quelque chose en mon nom, cela feray ie.

Pour vray, pour vray ie vous dy, si vous priez quelque chose au Pere en mon nom, ie le vous donneray.

Jean 16.

Iusques à maintenant vous n'avez riens demandez en mon nom.

Demandez, & vous obtiendrez.

Jean 4.

Les vrais adorateurs adoreront le Pere en esprit & en verité, car le Pere demande telz, qui ainsi l'adorent.

Marc 7.

Demandez & il vous sera donné, cherchez & vous trouuerez, hurtez & il vous sera ouuert. Car qui demande il reçoit, & qui cherche il trouue, & à cestuy qui hurte on luy ouuirra.

Qui est cestuy d'entre vous auquel si son filz luy demande du pain, qui presentera à son filz vne pierre?

Si vous qui estes mauuais sçautz donner

bonne choses à voz enfans, cōbien plus donnera vostre Pere celeste vn bon esprit, si vous le demandez?

Si d'eulx d'entte vous consentent sur la terre, de toutes choses qu'ilz demanderont, il leur fera faict de mon Pere, qui est aux cieulx. Car ou il ya deux ou trois assemblez en mon nom, ie suis au milieu d'eulx.

Mat. 18.

Tout ce que vous demãderez en voz oraisons, crōyans, vous l'obtiendrez.

Mat. 21.

Ne fera doncq' point Dieu de vengeance pour ses esleuz, qui criēt à luy nuict & iour, combien qu'il tarde, ie vous dy que bien tost il fera vengeance d'eulx.

Luc 18.

Veillez & priez, afin que vous ne cheez en tentation: l'Esprit est prompt, mais la chair est debille.

Mat. 26.

Voz reins soient sainctz, & vostre lumiere ardante, & soyez comme les hōmes qui attendent leur Seigneur.

Ne soyez point soigneux pour vostre vie que vous mangerez, ou pour vostre corps que vous vestirez: là vie est plus que la viande, & le corps plus que le vestement? Regardez les corbeaulx ilz ne sement point & ne moissonnent point, ilz n'ont ne celiers, ne granges, toutes-

Luc 12.

foys Dieu les nourrist, combien plus e-
stes vous meilleurs que les oyseaulx?

Ne vueillez point demâder, qu'elle cho-
se vous beurez, ou mangerez, & ne vous
esleuez point: car ces choses enquierent
les hommes mondains, vostre pere scait
que vous auez indigence de ces cho-
ses.

Math. 6. Si Dieu reuest ainsi l'herbe des champs
qui est auiourdhuy, & demain elle est ie-
ctée au four, de tant plus vous reuestira
il, vous de petite foy.

Cherchez premier le Royaulme de
Dieu & sa iustice, & toutes ces choses
vous seront données.)

Quand tu prie, va en ta chambre, & fer-
me l'huys, & prie ton pere, qui est en se-
cret, & ton pere, qui te voit en secret, le
te rendra manifestement.

Vostre pere scait quelle chose vous est
necessaire deuât que vous le priez: Pour
tant priez vous ainsi.

*Le Pater noster, & autres briefues Oraisons
tirées hors de la Bible, mise icy apres en certai
ordre à la louange, & enseignement de la gran
de & incomprehensible misericorde de Dieu,
auprouffit du lecteur.*

Oraison Dominicale.

Nostre pere qui és es cieux
 tō nom soit sanctifié. Ton
 Royaulme nous aduienne
 Ta volonté soit faicte ain-
 si en la terre cōme au ciel.

Donne nous aujourd'huy nostre pain
 quotidian.

Et nous pardōne noz offenses, ainsi que
 nous pardonnons à ceulx qui nous of-
 fensent.

Et ne nous induictz point en tentation
 Mais deliure nous de mal. Ainsi soit il,

Signeur Dieu d'Israel nostre pere, ma-
 gnificence, puissance, gloire victoire & *1. Par. 17.*
 louenge vous appartient Seigneur dieu
 eternellement.

O dominateur Seigneur Dieu miseri- *Exod. 34.*
 cordieux, propice & veritable, qui gar-
 dez misericorde en mille lignées. Et par-
 donnez les iniquitez, transgressions &
 pechez, & deuant lequel nul de luy mef-
 me n'est innocēt, & ie vous prie que ueil-
 lez oster noz iniquitez & pechez.

Dieu patient & de grande misericor-
 de, pardonne les iniquitez & transgres *Nom. 18.*

sons, ne laissant nully innocēt &c. par-
donnez ie vous prie, le peché de ce peu-
ple selon vostre grande misericorde.

Seigneur Dieu ne perdez point vo-
stre peuple, vostre heritage, lequel vous
auez racheté par grand force,

Vous auez conduit vostre peuple
en vostre misericorde, lequel vous auez
racheté,

Soyez à vostre peuple misericordieux
& leur pardōnez, cōbien quil ayent pe-
chez cōtre vous, car vo^o estes mō dieu
ie vous prie ouurez voz yeulx, & oyez
les prieres qui se feront en ceste place.

Et maintenant Seigneur, vous estes
nostre pere, & nous sommes fange: &
vous estes nostre formateur, & no^o som-
mes tous les œuures de voz mains. Sei-
gneur Dieu ne vous courroucez point
tousiours si fort, & ne pensez plus à noz
iniquitez, voicy, regardez ie vous prie,
nous sommes tous vostre peuple.

Car nous n'espandōs point noz prie-
res en bas, pour nostre iustice deuant vo-
stre face, mais sur vostre grande miseri-
corde. Exalcez Seigneur, foyez recōl-
lié seigneur, considerez & faictes cela.

Ne veuillez attendre pour l'amour de

Exo. 15.

2. paral. 6

Esaie 64.

Daniel 9.

vous, ô mon Dieu.

Car vostre nom est inuocque sur la cité & sur vostre peuple.

Seigneur Dieu oyez la voix de vostre peuple, & ouurez luy le thresor, la fontaine des eaves de vie. *N^o. 20.*

Ceux qui ont cogneu vostre nom, ayét espoir en vous: car vous ne delaissez point Seigneur, ceux qui vous cherchent. *Psal. 9.*

Seigneur leuez vous, & nous aydez & nous deliurez pour l'amour de vostre nom. *Psal. 43.*

Nayez point de recordation de noz iniquitez passees, preuenez nous bien tost de voz misericordes, car nous sommes faict trop pauures. *Psal. 78.*

Aydez nous Dieu nostre salut, & pour l'amour de l'honneur de vostre nom deliurez nous, & soyez propice à noz pechez pour l'amour de vostre nom. *Psal. 88.*

Car vous Seigneur, estes doux & benign, & de grand misericorde à tous ceux qui vous inuocquent.

Exaulcez Seigneur Dieu noz inuocations & noz prieres, & nous deliurez pour l'amour de vostre nom. *Baruc 2.*

Oyez Seigneur & ayez misericorde

de nous, car nous auons peché: car vous

Baruc. 3. estes Dieu misericordieux. &c.

Ne vueillez point auoir recordatiõ des iniquitez de noz peres, mais pensez de vostre main, & de vostre nom, en ce tẽps icy: car vous estes le Seigneur nostre Dieu.

Psal. 5.

Tous ceulx qui ont espoir en vous se reiouissent, ilz seront eternellement ioyeux, & vous demourez en iceulx. Et ceulx qui ayment vostre nom se glorifieront tous en vous.

Tobie 2.

Seigneur vous estes iuste, & tous voz iugemens sont verilables & toutes voz voyes sont misericorde & verite' & iugement. &c.

Vostre nom est beneist Dieu de noz peres, car quãd vous estes courroucé, vous faictes misericorde, & au temps de tribulation vous pardonnez les pechez à ceulx qui vous inuocquent,

Psal. 144

Le seigneur est pres de ceulx qui l'inuocquent, & de tous ceulx qui l'inuocquent en verite'.

Psal. 4.

Psal. 30:

Quand i'inuocquoye, il m'a exaulcé: le dieu de m'a iustice, en m'a tribulatiõ vous m'aez essargi.

Seigneur que ie ne soye point confon
du

du, car ie vous ay inuocqué.

En ma tribulation i'ay inuocqué le sei-
gneur, & le sieigneur m'a exaulcé en lar-
geur. *Psal. 117.*

En m'a tribulatiō i'inuocqueray le sei-
gneur, & ie crieray à mō Dieu, & il exau-
cera ma voix de son sainct temple & mō
cry viendra à ses oreilles. *Roy. 22.*
2. Par. 20.

Nous crierons a vous, en nostre neces-
sité vous nous exaulcerez, & nous ayde-
rez.

Quand nous ne sçauons que nous de-
uons faire, il ne nous demeure autre re-
fuge sinon que nous esleuōs noz yeulx
à vous.

Donnez nous ayde en tribulation, car
l'ayde de l'homme est vaine. *Psal. 107.*

Seigneur vous estes ma force, & ma lou-
enge & mō refuge au iour de tribulatiō *Hier. 16.*

Vous estes fait mon susceuteur & mō
refuge au iour de ma tribulation. *Psal. 58.*

Mō adiuteur ie vous chäteray vne lou-
enge car vous estes dieu mō susceuteur
mon dieu & ma misericorde.

Donnez nous ayde en necessité, car le
salut des hommes est vain. *Psal. 55.*

Au iour de ma tribulation i'ay cherché
le Seigneur avec mes mains esten-
Psal. 75.

dues, de nuict contre luy, & ie ne suis point deceu.

Esaye. 53. Seigneur ayez misericorde de nous, car nous vous auons attendu, foyez nostre bras ou matin, & nostre salut au iour tribulation.

Esai. 25. Car vous estes faict la force aux patures, force à ceulx qui ont eu indigence en leur tribulation.

Il n'ya point d'autre dieu, ne au ciel ne en la terre qui puisse faire voz ceures ou qui puisse estre semblable estime à vostre force.

Exo. 15.

Le seigneur est faict ma force & ma louenge, & est faict mon salut.

Seigneur ie vous confesseray, vous estes courroucé à moy, vostre fureur est conuertie, & vous m'auiez consolé.

Psal. 17. Voicy, dieu est mon saluateur ie feray confidentement, & ne craindray point.

Seigneur tous ceulx qui vous delaisent ilz seront confonduz, ceulx qui s'entont de vous, seront escriptz en la terre car ilz ont delaisse la veine de l'eaue de vie, le mesme seigneur.

Guerisez moy Seigneur, & ie feray guery: sauluez moy, & ie feray saulue.

car vous estes ma louenge.

Seigneur ayez recordation de vostre misericorde, & de voz misericordes, qui ont esté des le commencement du monde. *Psal. 17.*

Ne vueillez point auoir souuenance des pechez de ma ieunesse, & de mes ignoŕances: mais ayez souuenance de moy selon vostre misericorde seigneur pour l'amour de vostre bonté.

Pour l'amour de vostre nom seigneur vous serez propice á mes iniquitez, car mes pechez sont en grande multitude.

Dieu soyez moy misericordieux selon vostre grande misericorde. Et selon la multitude de voz miseratiõs effacé mõ iniquitez. *Psal. 50.*

Destournez vostre face de mes pechez & effacez tous mes pechez.

Creez en moy mon dieu, vn pur cœur & renouuellez en mes entrailles vn droict esprit.

Ne me deiettez point de vostre face, & n'ostez point de moy vostre saint Esprit. Seigneur Dieu, en la multitude vostre misericorde, exaulcez moy en la verité de vostre salut, &c. *Psal. 68.*

Exaulcez moy seigneur car vostre misericorde est benigne. Regardez n oy selõ la multitude de vostre misericorde : ne mucez point vostre face de moy vostre seruiteur, exaulcez moy hastiuemēt, car ie suis troublé.

Psal. 85. O Seigneur Dieu foyez misericordieux & propice, patient de grande misericorde & verité.

Ionc. 4. Je sçay que vous estes vn Dieu propice & misericordieux, longuanime patient & de grande misericorde, & pardonnat les pechez.

Seigneur foyez moy propice, car ie suis malade.

Psal. 6. Seigneur guerissez moy, car tous mes os sont troublez.

Et mō ame est fort troublee, mais vous seigneur quand longuement?

Retournez vous seigneur & deliurez mō ame, guerissez moy pour l'amour de vostre misericorde.

Psal. 108. Mais vous seigneur faictes avec moy pour l'amour de vostre nom, car vostre misericorde est douce.

Deliurez moy, car ie suis pauvre & miserable, & mon cueur est troublé.

Aidez moy seigneur Dieu guerissez

moy pour l'amour de vostre misericor
 de qui ne vo^s craïdroit point Seigneur & *Apo. 15*
 ne loueroit vostre nom? car vous estes
 seul bon.

Non point à nous Seigneur, non *Psal. 113*
 point à nous, mais donnez gloire a vo-
 stre nom. *Psal. 23*

Nostre ayde est au nom du seigneur
 qui à faict le ciel & la terre.

Seigneur vous estes digne de recevoir *Apo. 4*
 louange, honneur, & force, car vous a-
 uez tout crée, & pour l'amour de vostre
 volonté ilz ont leur essence.

Seigneur dieu createur de toutes crea-
 tures terribles, fort iuste, & misericor *Mac. 1*
 dieux qui estes seul bon, seul roy, seul iu-
 ste, & tout puissant & eternal, qui deli-
 urez Israel de tous maux.

Voyez cy, vous auez le ciel, & la terre
 en vostre grand force, & en vostre bras *Hiere. 32*
 estédud: toute parolle ne vous sera poit
 difficile, qui faictes misericorde en be-
 aucoup de milliers.

Seroit aucune chose difficile au Sei-
 gneur? *Gene. 32*

Est doncques la main du Seigneur ab-
 bregez? *Num. 11*

Je sçay que vous pouez toutes choses. *Iob. 42.*

Sapi. 12. La puissance est à vous quand vous voulez.

Sapi. 16. Seigneur vous estes cestuy, qui auez la puissance de la mort, & de la vie, & menez iusques aux portes de la mort, & ramenez.

Sapi. 11. Vous faiçtes misericorde à tous hommes, car vous pouez toutes choses, & dissimulez les pechez des hommes, pour l'amour de penitence.

Sapi. 12. Seigneur quant bon & doux est vostre esprit en tous?

Sapi. 15. Seigneur quant grande est la multitude de vostre douceur, laquelle vous auez mussée à ceulx, qui vous craignent?

Vous, nostre dieu, estes doux & veritable, & patient ordonnant, tout en misericorde.

C'est parfaicte iustice de vo^r congnoistre: & scauoir vostre iustice, & force c'est la racine d'immortalité,

Car il n'ya poit d'autre dieu que vous qui portez le soing de toutes choses.

Sapi. 12. ses.

2. Par. 6. Seigneur dieu d'Israel, il n'ya point de dieu semblable à vous, n'y au ciel, n'y en la terre, qui gardez aliance & misericorde à voz seruiteurs, qui chemiaēt de

uant vous de tout leur cuer.

Quel dieu est semblable à vous : qui ostez l'iniquité, & transferez le peché du demourant de vostre heritage?

Espargnez seigneur, espargnez vostre peuple, & ne donnez point vostre peuple à perdition. *Ioel. 2.*

Soyez moy propice dieu, foyez moy propice, car mon ame se confie en vous. *Psal. 56.*

Et i'espereray soubz l'ombre de voz esles, iusques à tât que l'iniquité soit pafsee. Faiçtes vostre misericorde merueilleuse qui fauluez ceulx qui ont espoir en vous. *Psal. 16.*

Le seigneur est mon adiuteur, & mon preseruateur: mon cœur à esperé en luy & ie suis ayde. *Psal. 27.*

Le filz des hommes, espereront soubz la couuerture de voz esles. *Psal. 35.*

En Dieu est mon salut, & l'hōneur de mon ayde, & mon espoir est en Dieu.

Combien qu'il me mettroit à mort, ie espereray en luy: toutesfois ie veulx corriger mes voyes deuât luy, & il sera mon salut. Seigneur i'ay esperé en vous, ne vueillez que soye confondu iamais. *Psal. 6. Iob. 13.*

Car voicy, ceulx qui s'ellognent de *Psal. 70.*

vous perirôt, vous auez perdu to^s ceuz
qui vous delaissent. Mais il m'est bon
d'adherer à Dieu, & mettre mon espoir
en mon seigneur Dieu.

Psal. 15. Sauuez moy seigneur, car i'ay esperé
en vous. I'ay dict au seigneur vous estes
mon dieu, car vous n'auetz que faire de
mes biens.

Psal. 17. Seigneur qui estes ma force, ie vous ay
meray: le seigneur est ma fermeté, mon
refuge, & mon redempteur, mon dieu,
mon adiuteur, & ie espereray en luy.

Mon protecteur & la corne de mō salut
& mon susceuteur.

Psal. 22. Le seigneur me gouerne, & ie n'auray
disette de rien.

Psal. 24. Seigneur i'ay esleué mō ame à vous mō
dieu i'ay ma confiance en vous ne me
vueillez confondre.

Daniel. 3. Qui se confie en vous, en luy n'ya poit
de confusion.

Esai. 1. Le seigneur dieu, est mon ayde, pour-
tant ne suis ie point confuz.

Psal. 117. Le seigneur est mon ayde, ie ne crain-
dray point, chose que me face homme.

Le seigneur est mon ayde, & ie contē-
neray tous mes ennemys.

Psal. 93. Et le seigneur m'est fait vn refuge, &

mon Dieu vn adiuteur de mon expectation.

Psal. 99.

Je suis miserable & pauvre : Dieu aydez moy, car vous estes mon adiuteur & mon redempteur, Seigneur ne tardez point.

Psal. 39.

Pource que ie suis miserable & pauvre & le seigneur à soing de moy, vous estes mon adiuteur & protecteur, mō dieu ne tardez point.

Soyez moy Dieu pour vn deffenseur, & vne maison de refuge, afin que me sauluez, car vous estes ma force, & mon refuge, & pour l'amour de vostre nom, vo⁹ me menerez & me nourrirez.

Psal. 30.

Seigneur vous estes mon susceptible, ma gloire, & esleuant ma teste.

Psal. 3.

Je me resiouyray au seigneur, & ie seray ioyeux en dieu mon saulueur: dieu le seigneur est ma force.

Abacu 3.

Dieu vous avez eu souuenance de moy & n'avez point delaisse, ceulx qui vous aiment.

Dan. 14.

Qui vous ayme, ilz reluisent comme le soleil leuant sa puissance.

Iudi. 7.

Menez moy seigneur en vostre voye, afin que i'entre en vostre verité, & mō cueur se resiouisse pour craindre vo-

Psal. 35.

stre nom.

Car vostre misericorde est meilleure
Psal. 62. que les vies, mes leures vous loueront
 seigneur Dieu.

Psal. 68. Tirez moy hors de la fange, afin que
 ie ne my effonce: deliurez moy de mes
 haineurs & du profond des eaues.

Psal. 40. I'ay dict, seigneur soyez moy propice
 guerissez mon ame, car i'ay peche con-
 tre vous.

Psal. 31. Iay dict, ie confesseray contre moy
 mon iniustice au seigneur, & vous me
 auez pardonné la mauuaistie de mon
 peché.

Psal. 55. I'ay esperé en Dieu, ie ne craindray
 point quelque chose que me face la
 chair.

Car en vous ie seray deliuré de tenta-
Psal. 17. tion, & avec mon dieu ie passeray oul-
 tre le mur.

Le suis indigne de toute la misericor-
Gene. 32. de, & de toute la fidelité que vous auez
 fait à vostre seruiteur.

Montrez que vous ne delaissez point
Iudi. 6. ceulx qui se glorifiét en vo⁹, & abaissez
 ceulx qui se glorifient d'eux mesmes.

Et vous misericordieux propiciateur,
Psa. 6. patient dieu, vous leur pardonnez, & ne

les delaiſſ. z point, car vous eſtes de bon
naire Dieu de miſericorde.

Et vous ſei_gneur eſtes pres de nous: *Hier. 13*
& voſtre nom eſt inuocqué ſur nous, ne
nous vueillez point delaiſſer.

Seigneur quand mon ame eſtoit trou *Ione. 11*
blée en moy i'ay eu ſouuenāce, que mō
Oraison viendroit à voſtre ſainct Tē-
ple.

De tous coſtez ay ie angoiſſe, mais il *1. Par. 21*
me vault mieux que ie viēne en la main
du ſei_gneur (car la miſericorde eſt fort
grande) que de cheoir en la main des
hommes.

Le ſei_gneur peult faire ce qui eſt bon *1. para. 1*
en ſa preſence.

I'ay trouué tribulation & douleur, *Pſal. 115*
& inuocquerois le nom du ſei_gneur.

O ſei_gneur deliurez mon ame, miſeri-
cordieux ſei_gneur & noſtre iuſte Dieu.

Seigneur deuant vous eſt tout mō de *pſal. 37*
ſir, & mon ſouſpir n'eſt point muſſe de-
uant vous.

Car vous eſtes le treshault ſei_gneur le *1. pa. 39*
dieu deſſus la terre patient, & fort miſe-
ricordieux, monſtrāt repentance ſur les
pechez des hommes.

Vous eſtes digne ſei_gneur de ouarir *Apo. 5*

le liure, & ouvrir les sept seaulx, car vo^s estes occis: & nous auez rachep^tez de vo^stre sang.

Mat. 16. Vous estes Christ le filz de dieu viuant.

Ieh. 11. Je croy que vous estes Christ, le filz de Dieu viuant, qui deuez venir au monde.,

Luc. 18. Soyez propice à moy pauvre pecheur l'ay peché au ciel, & deuant vous, ie ne suis poit digne d'estre apellé vostre filz

Luc. 15. No^s sommes seruiteurs inutiles, quâd nous auons faict tout ce que nous sommes tenuz de faire.

Luc. 16. Accroissez nostre foy.

Mat. 10. Je croy Seigneur, venez & aydez à m^o incredulité.

Mat. 9. Filz de dauid ayez mercy de nous, car aupres de nous est la Fontaine de vie, & en vostre lumiere nous verrons la lumiere.

Psal. 35. Comme le cerf desire de venir a la Fontaine des eaues, ainsi desire mon ame de venir à vous seigneur dieu.

Mon ame à eu soif à dieu la fontaine viue.

Quand viendray ie, & me apparoystray deuant la face de dieu.

Je ploye maintenant le genoux de mon
 cueur, priant à vostre bonte . Seigneur
 i'ay peché, Seigneur i'ay peche & ie cõ-
 gnois mõ iniustice. Je desue, vous priat
 seigneur, pardonnez moy, & ne me vue
 illez point damner ensemble avec mõ
 iniustice, & ne tenez mon iniquité cy a-
 pres eternellement. Car vous me faulue
 rez (moy qui suis indigne) selon vostre
 grande misericorde. Et ie vous loueray
 tousiours tous les iours de ma vie . Car
 routes les vertus des cieulx vous louët
 & a vous est la gloire eternellement.
 Amen,

Vous avez icy, honneste Liseur, vne col-
 lection de l'escripture de la Bible, la
 quelle nous recite clerement l'abõ-
 dante misericorde de Dieu.

AV commencement estoit la
 parole, & la parole estoit *Iehan. 1*
 avec Dieu, & Dieu estoit la
 parole. Icele estoit au cõ-
 mencement avec dieu, tou-
 tes choses ont esté faiçtes par icelle, &
 sans icelle n'a riens esté fait de tout ce
 qui est fait.

En icelle estoit la vie, & la vie estoit

la lumiere des hommes . Elle est venue
 es choses qui estoient siennes , & les si-
 ennes ne l'ont point receu , mais tous
 ceulx qui l'ont receue, elle leur à donné
 la puissance d'estre faitz enfans de dieu
 à ceulx qui croient en son nom.

Apo. 1. Quinous à aymé , & laué de noz pe-
 chez en son sang, & nous à fait Roys &
 prestres à dieu & son pere , auquel soit
 louenge & seigneurie , iusques eternal-
 lement. Amen.

Rom. 5. Pourtant prise dieu sa charité en nous
 que Iesus Christ est mort pour nous
 quand nous estions encores pecheurs,
 pourtant nous d'autât plus sauluez par
 luy du courroux , qui sommes iustifiez
 en son sang.

Car si nous sommes reconciliez à Dieu
 par la mort de son filz quād nous estiōs
 encores ennemis , combien plus ferons
 nous sauluez par sa vie, veu que nous sō
 mes reconciliez?

Acte 10. De cecy tesmoignent tous les Prophe-
 tes, que tous ceulx qui croient en luy re-
 ceuront remission de leurs pechez , par
 son nom.

Acte. 13. Sachez donc Freres , que par cestuy cy
 remission de pechez, vous est annon-

cé de tout ce que vous n'avez peu estre
iustifiez en la loy de Moyses.

Tous ceulx qui croient sont par cestuy
cy iustifiez.

Nous croyons par la grace de Iesus *Acte. 15.*
christ estre sauluez.

Car par luy nous viuõs, nous sommes
meuz, & sommes à nous. *Acte. 17.*

C'est cy la pierre qui à esté deiettée de
vous ediffians, & est faicte la pierre d'ü *Acte. 14.*
coing, & en nul autre n'ya salut.

Il n'ya aussi point daultre nom dessoubz
le ciel donne aux hommes, auquel nous
puissions estre sauluez.

Le nõ du seigneur est vne forte tour, *pro. 18.*
le iuste fuyra à luy, & il sera saulé.

Et il sera que tous ceulx qui inuocquēt *psal. 39.*
le nõ du Seigneur, seront sauluez.

Heureux est l'homme duquel le nom de
dieu est en son espoir, & n'a point regar *psal. 99.*
de à vanité, & aux faulses estrangeries.

Louez son nõ, car le Seigneur est doux *psal. 39.*
& sa misericorde dure eternellement, &
sa verité de generation en generation.

Mon ame louez le Seigneur, & toutes
mes entrailles son saint nom.

Louez le Seigneur mon ame, & non *psal. 102.*

blie point toutes les tribulations, qu'il t'a faict.

Qui est propice à toutes tes iniquitez & guerist toutes tes infirmittez.

Qui faict misericorde & iugement à tous ceulx qui seuffrent iniustement.

Il ne nous à point faict selō noz pechez & ne nous à point rendu selon noz mes faictz: Car selon sa haulteur, du ciel à la terre, il à confirmé sa misericorde sur ceulx qui le craignent.

Comme vn Pere à misericorde sur ses enfans, ainsi à Dieu mercy de ceulx qui le craignent. Il luy souuient que nous sommes pouldre, l'homme est comme foin.

Esai. 40. Toute chair est foin, & toute sa gloire est comme la fleur des champs.

Le foin est seiché, la fleur est cheutte, mais la parolle de Dieu demeure eternellement.

Deut. 8. L'homme ne vit pas seulement de pain mais de toute parolle qui procede de la bouche de Dieu.

Pro. 20. Toute parolle de Dieu est enflambee, c'est vn escu à ceulx qui esperent en luy.

Sal. 17. Mon Dieu sa voye est sans macule.

Les parolles du Seigneur sont examinées de feu, il est protecteur à tous ceulx qui ont espoir en luy.

Tous ses sainctz sont en ses mains, & tous ceulx qui cherrôt à ses piedz, prennent doctrine de ses parolles.

Deut. 33

Et vous scaurez qu'il n'a point failly vn mot à tous les biens que le Seigneur vostre Dieu vous à promis.

Iosue. 23

Car le Seigneur examine tous cœurs & entend toutes les cogitations, si tu le cherche tu le trouueras: mais si tu le delaisse il te deiettera eternellement.

I. Pa. 8

Cherchez le Seigneur tandis qu'il peut estre trouué, inuocquez le tandis qu'il est pres, le mauuais delaisse sa voye & vn chascun iniuste ses cogitiōs, & il se retourne au Seigneur, & il aura mercy de luy, & à nostre Dieu, car il est grand pour pardonner.

Esaie 55

Sentez du Seigneur en bonte & cherchez le en vnité du cœur, car il est trouué de ceulx qui ne le tentent point, & il se monstre à ceulx qui croyent en luy.

Sapien. 2

Les riches ont eu indigence & faim, mais ceulx qui cherchent le seigneur ilz ne seront point diminuez d'aucuns biens.

Psal. 37

- Yeru. 3.* Le Seigneur est bon à ceulx, qui ont espoir en luy, à l'ame qui le cherche.
- 2. Par. 30.* Le Seigneur qui est bon sera propice à tous ceulx qui de tout leur cueur cherchent dieu, & ne leur sera point imputé à peché qu'ilz sont moins fructifiez.
- 11. Par. 15.* Et quant il se retournent en leur nécessité au Seigneur le Dieu d'Israël, & l'inuocquent & cherchent, ilz le trouuent.
- 11. Pa. 16.* Car les yeulx du Seigneur regardent la terre, & il donne force à tous ceulx qui de tout leur cueur croyent en luy.
- 1. Pierre 3.* Les yeulx du Seigneur sont sur les iustes, & ses oreilles à leurs oraisons.
- Psal. 32.* Voicy, les yeulx du Seigneur regardent sur ceulx qui le craignent, & sur ceulx qui ont espoir en sa misericorde.
- Psal. 33.* Goustez & voyez, car le Seigneur est doux: bien heureux est l'homme qui à espoir en luy.
- Psal. 36.* Esperez au Seigneur, & faiçtes bien habitez la terre, & vous serez nourris en les richesses.
- Nau. 1.* Le Seigneur est bon, & il fortifie au iour de tribulation: & congnoist ceulx qui ont espoir en luy.
- Esai. 11.* Et qui ont espoir au Seigneur, ilz mueront la force, ilz prendront les esles

comme l'Aigle ilz courront & ne laboureront point.

Il est heureux qui à espoir au Seigneur, le Seigneur à vn bon plaisir à ceulx qui le craignent, & à ceulx qui ont espoir en sa misericorde. *Pro. 16.*
Psal. 146.

Qui craignent le Seigneur, ont aussi espoir au Seigneur il est leur adiuteur & protecteur. *Psal. 113.*

Esperez en luy vous toute congregation de peuple, esandez voz cueurs deuant luy, Dieu est nostre ayde eternellement. *Psal. 61.*

Le salut des iustes est du Seigneur, & il est leur preseruateur au temps de tribulation, & le Seigneur les aydera & les deliurera, il les deliurera des pecheurs, & les sauuera, car ilz ont espere en luy. *Psal. 62.*

Beaucoup de flagellarions appartiennent aux pecheurs, mais qui à espoir au seigneur, misericorde l'environnera. *Psal. 36.*

Bien heureux sont tous ceulx qui se confient en luy. *Psal. 2.*

Maudit soit l'homme qui en l'homme se confie, & met la chair pour son bras, & duquel le cueur decline du Seigneur. *Hie. 17.*

Beneist est l'homme qui se confie au Seigneur, & duquelz le Seigneur fera sa confidence.

Psal. 117. Il vault mieulx se confier au Seigneur, que soy confier aux hommes.

Pro. 29. Il vault mieulx se confier au seigneur, que de se confier aux princes.

Sapi. 3. Qui craint les hommes, il cherra bien tost, mais qui s'attend au Seigneur il sera esleué.

Qui se confient en luy, ilz entendront la verité, & les fidelles obeyront en luy en dilection, car ses esleuz auront don & paix.

Sapië. 4. Le peuple ne voyt, & n'entend point, & ne mect point telles choses en son cueur, que grace & misericorde est à ses saintz, & son regard est sur les esleuz.

Reg. 12. Le Seigneur ne delaissera point son peuple, pour l'amour de son grand.nõ.

Psal. 93. Le Seigneur ne deboutera point son peuple, & ne delaissera point son heritage.

Psal. 124. Qui se confie au Seigneur comme la môtaigne de Siõ, il ne se mouera point eternellement.

e.Pa. 20. Croyez au Seigneur vostre Dieu, & vous serez seur, & croyez à ses prophe-

tes, & vous aurez prosperité.

Le iuste viura en sa foy.

Abas. ix.

Abraham à creu à Dieu. & il luy à esté reputé pour iustice. Cela n'est pas seulement escript pour l'amour de luy, qui luy est reputé à iustice, mais aussi pour l'amour de nous, ausquelz sera reputé aussi à iustice, si nous croyons en cestuy qui à resuscité Iesus Christ nostre seigneur, de la mort, qui à esté baillé & liuré pour noz pechez, & est resuscité pour nostre iustification.

Rom. 4.

Nous doncques iustifiez par foy, nous auons paix avec Dieu par nostre Seigneur Iesus Christ, par lequel nous auons acces par la foy à ceste grace, en laquelle nous sommes, & nous glorifions en l'esperance de la gloire des filz de Dieu.

Rom. 5.

Christ est la fin de la loy, par lequel tous ceulx qui croyent en luy sont iustifiez, car si tu confesse de bouche que Iesus Christ est le seigneur, & que tu croyes de cuer, que Dieu la resuscité de la mort, tu seras saulue.

Rom. 10.

Tous ceux qui se confitent en luy ne seront point tonfondus.

Esaié 28.

Heb. 10.

Ne perdez doncques point vostre

confidence, laquelle à vne grande remuneration.

Heb. 11. Qui veut venir à Dieu, il faut croire qu'il est, & qu'il sera remunerateur de ceulx qui le cherchent.

Dani. 10. Il est vn liberateur & sauueur, faisant signes & choses merueilleuses au ciel, & en terre.

Psal. 145. Le seigneur deslie les prisonniers, le seigneur illumine les aueugles, le Seigneur eslieue ceulx qui sont deiettez en bas, le seigneur garde les estrangiers & orphelins il receura les vefues, & perdra la voye des pecheurs.

Psal. 67. Nostre dieu est vn dieu pour sauuer.

Psal. 77. Mais il est misericordieux, & sera bening sur leurs pechez, & ne les perdra point,

Psal. 24. Toutes les voyes du Seigneur sont misericorde, & verité, à ceulx qui gardent ses aliances & tesmoignage,

Psal. 32. Il ayme misericorde & iugement, la terre est pleine de la misericorde du Seigneur.

Psal. 105. Confessez vous au Seigneur, car il est bon, car sa misericorde sera eternellement.

Psal. 92. Car aupres du Seigneur est miseri-

corde, & abondante redemption est a-
luy, & il deliurera Israël de tous ses
péchez.

Le Seigneur est propice & miseri-
cordieux, patient, & de grande miseri-
corde.

Le Seigneur est à tous doux & ami-
able, & ses misericordes sont par dessus
toutes ses œuures.

Psal. 144.

Car selon sa grandeur, ainsi est sa mi-
sericorde avec luy.

Eccle. 2.

La misericorde des hommes est à son
prochain, mais la misericorde de Dieu
est par dessus toute chair.

Eccle. 18.

La misericorde de Dieu est belle au
temps de tribulation, comme les nues
au temps de la seicheresse.

Eccle. 35.

Benoist soit Dieu, le Pere de nostre
Seigneur Iesus Christ, qui est vn Pere
de misericorde, & vn Dieu de toute
consolation qui nous console en tou-
te nostre tribulation.

Collo: 1.

Dieu qui est riche en misericorde
par sa grande charité, par laquelle il
nous à aymé quand nous estions mors
en péché, il nous à tous viuifié en
Christ.

Selon sa misericorde il nous à saul- *Tite. 3.*

uez, par l'ablution de regeneration.

Lucq. 5.

Dieu est fort misericordieux, & misericordieux.

Pierre 1.

Beneist soit Dieu, le Pere de nostre Seigneur Iesus Christ, qui selon sa grande misericorde nous a regenez à vne viuante esperance, par la resurrection de Iesus Christ de la mort à vn heritaige incorruptible, immaculé, & immortel.

Eccl. 17.

Combien grande est la misericorde du Seigneur, & sa grace à ceulx qui se retournent à luy?

Job 1.

Retournez vous au Seigneur vostre Dieu, car il est benign, & misericordieux, patient, & de beaucoup de misericorde, & liberal à pardonner les pechez.

psal. 33.

Allez à luy, & vous serez illuminé, & voz faces ne seront point confondues,

Tobie 13.

Pourtant pecheurs soyez conuertis, & faictes iustice deuant Dieu, croyant qu'il fera avec vous misericorde.

par. 30

Car le Seigneur Dieu est propice, est misericordieux, & ne destournera point sa face de vous, si vous vous retournez à luy.

Tim. 11.

Qui veult sauuer tous les hommes, & veult qu'ilz viennent à la congnois-

fance de la verité, car il ya vn Dieu, vn mediateur de Dieu, & des hommes, c'est aſçauoir l'hômme Ieſus Chriſt, qui c'eſt donne luy meſme pour nous tous pour vne redemption.

Car nous n'auons point de ſouuerain prebſtre qui ne puiſſe auoir compaſſiõ *Heb. 4.* de noz infirmitéz, tétéz en toutes choſes ſelon la ſimilitude ſans peché, alons doncques avec confiance à la chaire de ſa grace, afin que puiſſions recepuoir miſericorde, & que trouuions grace au temps, quand nous aurons affaire d'ay de.

Car il eſt vueillant miſericorde, il ſe retournera & aura mercy de nous, il oſtera noz iniquitez, & iettera noz pechez au parfond de la mer. *Mich. 7.*

Et il deiettera la mort eternellement & le Seigneur dieu oſtera toutes les larmes de toutes faces, & il oſtera l'oppoſbre de ſon peuple de toute la terre, car le ſeigneur à parlé. *Eſaie 25.*

Et diront en ce iour la Voicy, ceſtuy cy, eſt noſtre Dieu, nous l'auons attendu, & il nous ſauuera. *Eſaie 7.*

Ceſtuy cy eſt le ſeigneur, nous l'auõs attendu, no' no' reſiourrons, & ſerons

foyeulx en son salut.

Pourtant vous donnera le Seigneur vn signe.

Esaië 9. Voicy, vne vierge cōcepura & enfantera vn filz, & son nom sera appellé Emanuel.

Vn petit enfant nous est né, & vn filz nous est donné, duquel la seigneurie sera sur son espaulle, & son nom sera appelle, Admirable vn conseiller, Dieu, fort, vn pere du monde aduenir, vn prince de paix, Sa domination sera multipliee, & n'y aura point de fin de sa paix.

Il sera assis sur la chaire de Dauid, & sur son Royaume, afin qu'il le confirme & fortifie avec iugement & iustice, des maintenant iusques eternellement le grand amour du seigneur des exercites fera cecy.

Esaië 54. Pour vray, il à guery noz langueurs & à luy mesme porte noz douleurs, & nous l'auons estimé comme vn meséau, frappe de Dieu, & humilié. Car il est naure pour noz iniustices, & il est en douleur pour noz pechez, la corruption de nostre paix, estoit sur luy, par les playes duquel nous sommes gueriz.

Nous auons tous erre comme brebis
vn chascun à decliné en sa voye.

Et le seigneur à mis sur luy toutes
noz iniquitez.

Le seigneur est fait refuge des pau- *Psal. 102*
ures adiuteur en neccessité au temps de
tribulation.

Le seigneur est pres de ceulx qui *Psal. 33*
sont troublez de cuer, & il sauuera les
humbles desprit.

Les iustes ont beaucoup de tribula-
tions, mais le seigneur les deliurera de
toutes.

Dieu est nostre refuge & force, vn ad-
iuteur en grandes neccessitez qui nous *Psal. 45*
ont tresfort troublez:

Car il deliurera le pauvre du puisât
& le pauvre qui n'a point d'ayde. Il es- *Psal. 71*
pargnera le miserable & pauvre, & il
sauuera les ames des pauvres.

Il demourera avec eulx, & il seront *Apoec. 21*
son peuple, & luy mesmes. Dieu avec
eulx, sera leur Dieu, & Dieu osterá tou-
tes les larmes de leurs yeulx, & la mort
ne sera plus, ne desplaisir, ne cry, ne
douleurs ne sera plus.

Si Dieu est pour nous, qui peult e-
stre contre nous? qui n'a point espar- *Rom. 8*

gné son propre filz, mais il la donné pour nous tous. Cōment ne nous donneroit il point toutes choses avec luy?)

Qui nous separera de l'amour de Dieu, tribulation ou famine, ou nudité, danger ou glaive? &c.

Ne la mort, ne la vie, ne Anges, ne principaulté, ne puissance, ne choses presentes, ne choses aduenir, ne haulteur, ne profondeur, ne nulle autre creature ne nous peuuent separer de l'amour de Dieu, qui est en Iesus christ nostre Seigneur.

Iehan. 3. Regarde quelle amour nous à donné le Pere, que nous soyons appellez filz de Dieu?

Rom. 8. L'esprit, donne tesmoignage à nostre esprit, que nous sommes enfans de Dieu: si nous sommes doncques enfans nous sommes aussi heritiers, cest à scauoir heritier de Dieu, & avec Iesus Christ heritiers.

Gala. 3. Le mesme esprit prie pour nous par souspirs indicibles.

Iehan 5. Dieu à enuoyé son esprit en nostre cœur qui crie abba, cher pere.

Voyla la liberté, que nous auons à luy, si nous luy prions quelque chose

selon sa volonté il nous oyt.

Vous scauez la grace de nostre Seigneur Iesus Christ, combien qu'il fut riche, il est toutesfois faict pauvre pour nous, afin que par sa pauvreté nous fussions riches. *Cori. 9.*

Iesuschrist nous à deliurez de la malediction de la Loy, quand il à esté faict malediction pour nous. *Gala. 3.*

Si la mort à regné pour le peché d'un seul: d'autant plus ceulx, qui ont receu abondance de grace, & le don pour iustice regneront en la vie par un Iesuschrist. *Rom. 5.*

Comme par le peché d'un la condamnation est venue à tous hommes.

Ains aussi par la iustice d'un est venue la justification de vie à tous hommes.

(Car par un homme vient la mort, & par un homme vient à resurrection des morts.) *Cor. 15.*

Car tout ainsi que tous meurent en Adam ainsi tous seront viuifiez en Iesus Christ.

Le don de Dieu est la vie eternelle en Iesus Christ nostre seigneur. *Rom. 6.*

Car en luy habite toute plenitude de la diuinité corporellement.

Jean 4. En ce est apparue l'amour de Dieu que Dieu à enuoyé son filz vnicque en ce monde, afin que nous viuions par luy, en ce est charité.

Non point que nous ayons ayme Dieu, mais il nous à aymé : & enuoyé son filz, en la reconciliation de noz pechez.

Rom. 8. Nous scauons qu'a ceulx qui ayment Dieu, toutes choses seruent à bien.

1. Cor. 2. Nul œil n'a veu, n'oreille n'a iamais ouy, & ne monta iamais en cœur

Rom. 8. d'hōme, ce que Dieu à préparé à ceulx qui l'ayment.

Les tribulations de ce temps ne sont point à comparer à la gloire aduenir qui sera reuelee en nous.

Rom. 10. C'est le mesme seigneur, riche à tous ceulx qui l'inuocquent.

Ecclesi. 2. Qui à inuocque Dieu, & à esté contemné, car Dieu est bening & misericordieux, & au iour de tribulation il pardonne les pechez.

Et il est conseruateur de tous ceulx qui le cherchent en verité.

Malediction aux doubles de cœur, & aux leures pecheresses, & aux mains

faisant mal, & au pecheur entrant en la terre avec deux voye, malediction, aux dissoluz de cuer qui ne croient point à Dieu, & pourtant il ne seront point preseruez de luy.

Quand ilz ont inuocqué le tout puissant, ceulx qui avec leur puissance rompent la vertu de l'ennemy, ilz gaignent la Cité. *1. Ma. 12.*

Il crioient à Dieu en leur necessité, & il les à deliurez en leur tribulation. *Psal. 106.*

A la voix de ton cry incontinent qu'il t'aura ouy, il te respondra. *Esaie 30.*

Voicy la main du seigneur n'est point accourcie, qu'il ne puisse sauluer: & son ouye n'est point appesantie, qu'il n'exaulce. *Esaie 56.*

Humiliez vous maintenant soubz la puissante main de Dieu, afin qu'il nous exalte en son temps. Mettez sur luy toutes vostre sollicitude, car il à soing de vous. *1. Pier. 5.*

Il à faict les grans & les petitz, & porte le soing de tous egallement. *Sapien. 6.*

Craignez le seigneur vous tous les saintz, car qui le craignent, n'ont disette de rien. *Psal. 33.*

Psal. 36.

Ayez delectation au seigneur & il vous donnera les petitions de vostre cœur.

Reuele au Seigneur ta voye, & espere en luy, & il le fera.

De Dieu seront les voyes de l'hōme adressée, & il voudra sa voye.

Quand il chet il ne se blessera point: car le seigneur met sa main dessoubz.

I'ay esté ieune, & suis deuenu vieil, & n'ay point veu le iuste delassé, ne sa semence cherchant son pain.

Toufiours est il misericordieux, & vit, & sa semence sera en benediction.

Psal. 54.

Mette ton soing sur le seigneur, & il te nourrira, & ne dōneta iamais au iuste inconstant doute.

Pro. 3.

Attendez vous au Seigneur, de tout vostre cœur, & ne vous attendez point sur vostre sapience, mais pensez à luy, en toutes voz voyes, & il conduira voz allées.

Pro. 10.

Le Seigneur ne trauaillera point lame du iuste de faim, mais il destruyra les fraudes des mauuais.

Descouure au Seigneur tes œuures, & tes cogitations seront adressées.

Pro. 16.

Le Seigneur à faict toutes choses pour l'amour de luy, le mauuais aussi

pour

Pour vn mauvais iour.

Le cœur de l'homme ordōne ses voyes
mais il appartient au seigneur, d'adres-
ser ses chemins.

Il ya beaucoup de pēsees au cœur de l'hō *Pro. 19*
me, mais la volonté du seigneur demeu-
re eternellement.

Il est bon d'attendre avec silence le sa-
lut du Seigneur. *Thre*

Et pourtant attens le seigneur, a fin
qu'il ayt mercy de toy,

Pourtāt sera il esleué en t'espargnant,
car le seigneur est vn Dieu de iugement
bien heureux sont tous ceulx qui l'atten-
dent. *Prou. 20*

Ne dis point, ie rendray mal pour mal,
mais attens le Seigneur, & il te deliure-
ra.

Gardez vous en la dilectiō de Dieu, &
attendez la misericorde de Iesus christ *Iude. 1*
iustes en la vie eternelle.

La grace de Dieu saluifiante est appa *Tite. 2*
rue à tous hommes, nous enseignās que
renonçons à malice, & aux desirs mon-
dains, & que viuons honnestement, ius-
tement, debonnairement en ce monde
attendans l'heureux espoir & l'appari-
tion de la gloire du grand dieu, & no

Notre sauveur Iesuschrist, qui c'est donné luy mesme pour nous, afin qu'il nous rachetast de toute iniquité.

Psal. 30. Bien heureux sont ceux desquelz les pechez leurs sont pardõnez, & desquelz les pechez sont couuers.

Iob. 5. Bien heureux est l'homme auquel dieu n'a point imputé le peché, & n'y a point de tromperie en son esprit.

Bien heureux est l'homme qui est corrigé du seigneur: pourtant ne contemne point le chastiment, car il naure & il guerist, il frappe, & ses mains gueriront.

Heb. 12. Car dieu chastie ceulx qu'il ay me, & flagelle tous enfans qu'il reçoit. Si vous endurez la correction, dieu s'offre à vous comme à ses enfans,

Qui est l'enfant que le pere ne corrige point?

Si nous auons eu noz peres charnelz qui nous ont corrigé, n'obeirons nous point beaucoup plus aux peres des espritz & viurons?

Toute correction quãd elle est presente n'est point estimée pour ioye, mais pour tristesse.

Mais cy apres elle donnera vn fruit paisible de iustice à ceulx qui sont exercez à ce,

Le Seigneur corrige cestuy qu'il ayme & à vn bon plaisir en luy, comme vn pere en son enfant. *pro. 3.*

Estimez estre pure ioye, quand vous chéez en diuerses tentations, & sachez que vostre Foy esproouée œuure patience. *Iacob. 1.*

Dieu est fidelle, qui ne vous laisse point tenter plus que ne pouez porter, mais il faict avec la tentation vne bonne fin, afin que le sachez endurer. *2. Cor. 10.*

Le seigneur scait deliurer les bons de tentation, mais les mauuais il les garde au iour du iugemēt pour les pugnir. *2. Pier. 2.*

Il est patient sur nous, & ne veult point que nul soit perdu: mais que tout se retourne à penitence. *2. pier. 3.*

Quand nous sommes corrigez nous sommes corrigez du Seigneur, afin que ne soyons point condemnez avec le monde. *i. Cor. 11.*

Dieu nous à corrigez pour noz iniustices, & il nous gardera pour sa misericorde. *Tobi. 13.*

Tout vient de dieu qui nous à reconciliez par I. sus Christ, & nous à donné *2. Cor. 5.*

l'administration de reconciliation.

Car Dieu estoit en Iesus Christ reconciliant à luy, mesmes le monde, ne leur seputant leurs pechez, & à mis en nous la parole de reconciliation.

Colos. 1. Car il à combleu au pere, que toute plénitude de la diuinité demeureroit en luy & que toutes choses fussent reconciliez par luy en luy mesmes, soit en la terre, ou au ciel, parquoy il fait paix par le sâg en sa croix, par luy mesme.

1. pier. 2. Lequel mesmes à porté noz pechez, sur le boys en son corps, afin que nous estans mortz à pechez que nous viuons à iustice.

1. pier. 3. Iesus christ à souffert pour noz pechez le iuste pour les iniustes, afin qu'il nous amenast à dieu.

1. Iohã. 1. Le sang de Iesus christ nous purifie de tous pechez, si nous disons que nous n'auons point de peché, nous nous seduifons nous mesmes, & la verité n'est point en nous.

Mais si nous confessons noz pechez, il est fiddle & iuste qui nous pardonne noz pechez, & nous purifie de toutes noz iniquitez.

1. Iohan. 1. Mes enfanznetz, ie vous escriptz ces

choses, c'est que ne pechez point.

Et si aucun peché, nous auons vn aduocat enuers dieu, Iesus christ, qui est iuste & il est mesmes reconciliatio pour noz pechez.

Je vous escry en façonnetz. que voz pechez vous sont pardonnez pour l'amour de son nom.

Tous ont peché, & ont indigence de la gloire de Dieu, & sont iustifiez pour neant par sa grace, & par la redēption, qui est en Iesus christ, lequel Dieu à mis propiciateur par la foy, en son sâg, pour montrer sa iustice pour la remissio des pechez precedentz. le quelz Dieu à souffert pour montrer sa iustice au temps present, a. fin qu'il soit seul iuste, & iustifiant celuy qui est de la foy de Iesus Christ.

Dieu à tout en clos soubz infidelité, a. fin qu'il eust misericorde de tous.

O altitude des richesses de la sapience & congnoissance de Dieu, combien incomprehensibles sont ses iugemens, & inuestigables ses voyes.

L'escripature à tout en clos soubz peché afin que la promesse vint par la foy en Iesus Crist.

- Eph. 1.** Par lequel nous auons redemption par son sang, c'est à scauoir, remission des pechez, selon les richesses de sa grace, laquelle il nous à donnée abondamment en toute sapience & prudence, lequel est le gage de nostre heritage pour nostre redemption, nous qui sommes son propre, à la louenge de sa gloire.
- Eph. 2.** Par lequel nous auons acces tous deux au pere en vn esprit,
- Eph. 3.** Par lequel nous auons liberté, & vn acces en la confidence par la foy en luy. Il est entré vne foys par son sang au lieu saint, & à trouué l'eternelle redemptiõ
- Heb. 9.** Iesus Christ à esté vne fois offert pour ôster les pechez de plusieurs.
- 1. Cor. 15.** Loué soit Dieu qui nous a donné victoire par Iesus Christ, nostre seigneur, lequel il à resuscité de la mort qui nous a deliure du courroux aduenir.
- 1. Tess. 1.** Dieu ne nous à point mis à courroux mais pour acquerir salut par nostre seigneur Iesus Christ, qui est mort pour nous afin que (soit que nous veillâs, ou que nous dormons) nous viuiõs en semble avec luy.

Si nous viuõs, nous viuõs au Seigneur
ou si nous mourons, nous mourons au *Rom. 14.*
seigneur.

C'est vn certain mot, & digne d'estre re *1. Tit. 1.*
ceu en toute maniere, que Iesus christ
est venu en ce monde pour sauuer les
pecheurs.

La loy est donnée par Moyse: la grace
& verité par Iesus christ, *Iehan. 1.*
Sachez que vous estes rachetez du pre
cieulx sang de Iesus Christ, comme l'a- *1. Pier. 1.*
gneau innocent & immacule.

Grace soit avecques vous & paix de
Dieu le pere, & de nostre seigneur Iesus *Gala. 1.*
christ qui c'est donné pour noz pechez,
afin qu'il nous deliurast de ce present
mauuais monde.

Qui nous à tirez hors de la puissance *Colos. 1.*
de tenebres, & nous a transferez au roy
aulme de son cher filz, par lequel nous
auons redemption, par son sang remis-
sion des pechez.

Et vous aussi viuifiez avec luy, quand *Colos. 2.*
vous estiez mortz en pechez, & au pre-
puce de la chair, & nous à pardõné tous
noz pechez, effaçant le chyrographe qui
estoit contre nous du decret qui estoit
contraire à nous.

L A F O N T A I N E

Heb. 10. Ayons donc confidēce mes freres, d'ē-
trer aux saintuaires par le sang de Iesus
christ, laquelle entree il nous prepare
pour vne nouuelle & viuante voye, par
le voyle, c'est à dire par sa chair, & auons
vn grand prebtre sur la maison de Dieu
Esai. 2. allons avec vng vray cœur en pleine cō-
fidence.

Venez montōs à la montaigne du Sei-
gneur iusques à la maison de Iacob & il
nous apprendra ses voyes, afin que che-
Luc. 2. minons en ses sentiers.

Ne craignez point, voicy, ie vous an-
nonce grand ioye, laqu' elle aduiendra à
tout peuple, car auourd huy nous est tē
vn sauueur, lequel est Christ le seigneur
en la cité de Dauid.

Gloire soit à dieu en hault & en la ter-
re paix, & aux hommes vne bonne vo-
lunté.

Luc. 1. Ne craignez point Marie, car vous
auez trouué grace deuant Dieu.

Voicy vous conceurez en vostre ven-
tre, & enfanterez vn filz, & appellerez
son nom Iesus, il sera grand, & sera nō-
mé vn filz du treshault. Et le seigneur
dieu luy donnera le siege de Dauid son
pere, & il sera Roy sur la maison de

Dauid eternellement, & n'y aura poine-
de fin à son Royaulme. Le saint esprit
viendra sur vous, & la vertu du treshaut
vous enuironnera.

Toute parolle ne sera point impossible
enuers dieu.

Et toy enfant, tu seras appellé vn pro-
phete du treshault, car tu precederas de-
uant la face du seigneur, pour prepa-
rer ses voyes pour donner à son peuple
congnoissance de salut, en remission de
leur pechez, par la grande misericorde
de nostre dieu, par laquelle il nous a vi-
sité, l'orient qui est de hault pour illumi-
ner ceulx qui sont en tenebres, & en l'ô-
bre de mort, pour adresser noz piedz en
la voye de paix.

Et il a esleué vne corne de salut en la
maison de dauid, son seruiteur.

Ainsi qu'il a parle par auant, par la bou-
che des saintz Prophetes.

Qui nous deliureroit de noz ennemis
& de la main de tous ceulx qui nous
hayent.

Et qui donneroit misericorde à noz
peres, & luy souuiendroit de sa sainte
alliance.

C'est le serment qu'il a iure à nostre pe-

te Abraham, de soy donner à nous, afin que nous estans deliurez de la main de noz ennemys, nous le seruõs sans crain te tous les iours de nostre vie en saincte té qui luy est agreable.

Esai. 12.

Cõfessez le seigneur, & inuocquez son nom.

Faiçtes congnoistre aux peuples ses in uentions, ilz vous souuienne que son nõ est hault.

Vous puyferez de l'eaue en ioye des fon taines du Saulueur.

Louez le Seigneur avec chât, car il a fait magnifiquement: annoncez ce en toute la terre.

Resiouissez vous, & louez l'habitation de Sion, car le saint d'Israel est grand au milieu de vous.

Sop. 3.

Le seigneur nostre dieu est fort au mi lieu de vous, il vous guerira.

Ose. 6.

Venez & retournons au seigneur, car il à prins, & nous sauuera, il frappera & nous guerira.

Psal. 146.

Que guerist les contrictz de cœur, & lye leur douleurs.

Math. 1.

Vous appellerez son nom Iesus, il sau uera son peuple de leurs pechez.

Iesus enuironnoit tout le pays de Ga-

lilee, enseignant en leurs escolles, & prechoit l'euangile du roy aulme, & il guerissoit toutes maladies & langueurs au peuple. *Matt. 4*

Il sortoit yne vertu de luy, & guerissoit tous. *Luc. 6.*

Jesus parloit à la femme qui estoit malade de flux de sang. Fille t'a foy t'a sauuee, vaten en paix, & soye guerie de t'a maladie. *Marc. 5*

Jesus a dict à Centurion, vaten & ainsi que tu as creu il te soit fait. *Mat. 8.*

Quand Jesus veit leur foy, il dict au Paralytique, aye confidence mō filz, tes pechez te sont pardonnez. *Mat. 9.*

Il disoit de la pecheresse, beaucoup de pechez luy sont pardōnez, pource qu'elle à fort aymé.

Jesus à dict à la Chananée, O femme, ta foy est grāde, il te soit fait ainsi que tu veulx, & sa fille fut guerie dès ceste heure la.

Jesus disoit au prince de la sinagogue, qu'il ne craignist point, mais qu'il creust. *Marc. 5*

Il disoit à Marthe, ne t'ay ie point dict si tu croys, tu verras la gloire de dieu? *Iean . 11*

Al'aveugle il dict, croy tu que ie te

puis faire cela? selon ta foy, il te soit fait.

Mat. 9.

Iesus christ disoit au pere de l'efant, qui estoit possede. Si tu peulx croire, toutes choses sont possibles au croyant.

Mat. 16.

Il reprenoit ses disciples, pour leur incredulite, leur disant: Vous de petite foy que pensez vous entre vous, que vous n'avez point prins de pain.

Jean 8.

Il demandoit a la femme trouuee en adultere, en disant: Femme, ou sont tes accusateurs? &c.

Je ne te condemne aussi point, va & ne vueillez plus pecher.

Luc. 24.

Iesus consoloit le meurtrier de telles paroles. Pour vray ie te dy, tu seras aujourd'huy en paradis avec moy.

Luc. 19.

Il appelloit, O luy zachee du Figuier qu'il descendit hastiuement.

Il dict a Mathieu, seant au lieu des impost, qui le suyuit.

Mar. 9.

Avec l'exemple du Filz prodigue, il prise noz singuliers dons, & la grande misericorde de son pere enuers nous.

Luc. 15.

Il dit quand il estoit encore loing de la, son pere le veit, & estant esmeu de misericorde, il courut, & cheut sur son col, & le baisoit.

Et Iesus alla dehors, & voyant grand

peuple, il fut comenu de misericorde,
car ilz estoient comme brebis sans ber-
gier.

Quand les disciples regardoient Iesus
cuydans que ce fust vn esprit, il leur dō-
na courage disant, confiez vous, c'est
moy, n'ayez point de paour.

S E N S V I T I C Y

apres, aucuns exemples, par
lesquelz est demōstré que

Dieu tousiours beni-
gnemēt cōsole les
amy's en ne-
cessité.



- Pres, qu'Abraham fut al-
 lé hors de la terre de son
 pere, il auoit souuent Dieu
 pour son consolateur.
 Dieu mena Loth hors de
 la destruction de Sodome.
- Gene. 12.*
 15.
 17.
 18.
- Gene. 19.* Dieu mua l'ennuy de ioseph en gran-
Gene. 41. de prosperité en Egypte.
 Dieu consola iacob, & luy donna con-
Gene. 28. fort, quand il estoit fugitif de son frere
 Esau.
- Il fortifioit iosué de telles parolles, ie
 ne vous delairrez point.
- Iosue. 1.*
- Quand Moyse estoit encore banny il
 fut consolé de Dieu, ou il gardoit ses
 brebis.
- Exo. 3.*
- Dieu nourrist Helye trois iours au de-
 fertz, quand il s'en fuyoit de iefabel.
- Reg. 29.*
- Il cōsola Ezechie, qui se complaignoit
 du blaspheme de Sennacherib.
- 1. re. 19.*
- Apres que Thobie & Sara auoient prié
 ilz furent consolez de Dieu.
- Tob. 3.*
- Les Iuifz qui estoient assiegez de Ho-
Judi. 10. loferne, consola il fort merueilleuse-
 sement.
- Semblablement il consola aussi mer-
Daniel. 3. ueilleusement les troys enfans en la

fournaise ardante.

il estoit aussi avec Daniel en la fosse,
que les Lyons ne le deuorassent.

Dan. 14.

Il deliura Susanne de la grand honte,
& de la mort.

Dan. 13.

Il conforta les Apostres par le conso-
lateur le saint Esprit.

Acte. 2.

Item saint Pol, par la veue.

Acte. 16.

Il cōsola saint iehan, en l'isle de Path-
mos.

Apo. 1.

Il consola saint Pierre en la prison.

Acte. 12.

Tresamiablemēt il à consolé la digne
vierge, & mere de iesus christ Marie, &
aussi zacharie, Elizabeth, & ioseph.

Luc. 1.

Quel besoing est il plus de tesmoigna-
ge? Dieu est mesmes qui faict toutes cho-
ses en tous.

1. Cor. 12.

Iesus Christ est hier, & au iourd'huy,
& luy mesmes est aussi eternelle-
ment.

Heb. 13.

Nostre consolation abonde par iesus
Christ.

1. Cor.

Lequel est la splendeur de sa gloire, &
l'image de sa substance, & porte toutes
choses par la parole de sa vertu, & à fait
la purificatiō de noz pechez par luy mes-
mes: il siet à la dextre de la maiesté en
hault.

He. 1.

John 13. Combien qu'il auoit aymé les siés qui estoient au môde, il les à ayez iusques en la fin.

Cest Dieu qui iustifie, qui est ce qui cõdamne?

Rom. 8. Iesus Christ est celuy qui est mort, voyre aussi encore p'us, qui est resuscité, lequel est a la dextre de dieu, & intercede pour nous.

Esaië 53. Il à porté les pechez de plusieurs, & a prie pour les transgressieurs.

L'oraison de Iesus Christ, pour toutes personnes fidelles.

John 17. **D**Ere l'heure est venue, clarifiez vostre filz, afin que vostre filz vous clarifie. Ainsi que vous luy auez donné puissance sur toute chair de donner la vie eternelle à ceulx que vous luy auez donnez, icy est la vie eternelle, qu'il congnoissent que vous estes seul vn vray Dieu, & cestuy que vous

auez

avez enuoyé Iesus christ. Je vous ay clarifié sur la terre, & accōply l'œuure que m'avez donné à faire, & maintenāt clarifiez moy enuers vo^rmesmes, de la clarité que i'ay eue euers vous, deuāt que le monde feust. I'ay manifesté vostre nom aux hommes, lesquelz vous m'avez dōnez du mōde ilz estoient vostres, & vous les m'avez donnez, & ont gardé vostre parolle.

Maintenāt sauent ilz que tout ce que vous m'avez donné vient de vous. Car ie leur ay dōné les parolles que vous m'avez données & les ont receues, & ont vrayement congneu, que ie suis sorty de vous, & ōt creu que vous m'avez enuoyé ie prie pour-eulx, non point pour le mōde, mais pour ceulx que vous m'avez dōné, car ilz sont à vous, & toutes mes choses sont à vous, & les vostres sont mien nes, & ie suis clarifié en eulx. Et maintenant ie ne suis plus au monde, mais ilz sont au monde, & ie viens a vous. Pere saint, gardez les en vostre nom, lesquelz vous m'avez dōné afin qu'ilz soyent vn, comme nous. Quand i'estoye avec eulx ie les gardoye en vostre nom. I'ay gardé ceulx que vous m'avez donné, & nulx

d'eulx n'a esté perdu, sinon le filz de perdition, afin que l'escripture feust accomplie. Mais ieviens maintenant à vous & par cecy au monde, afin qu'ilz ayent ma ioye accomplie en eulx. ie leur ay donné vostre parolle, & le monde les hayt, car ilz ne sont point du monde, comme ie ne suis point aussi du monde.

Ie ne prie point que vous les ostez du monde, mais que vous les gardez de mal.

Ilz ne sont pas du monde, comme aussi ie ne suis pas du monde.

Sanctifié les en verité. Ta parolle est verité. Ainsi que tu m'as enuoyé au monde, en telle maniere les ay ie enuoyé au monde. Et pour eulx ie me sanctifie moy mesme, afin aussi qu'ilz soyent aussi sanctifiez en verité.

Or ie ne prie point seulement pour eulx, mais aussi pour ceulx qui croient en moy par leur parolle, afin que tous soyent vn, ainsi que toy pere esen moy, & moy entoy: que aussi en nous ilz soyent vn, afin que le monde croye que tu m'as enuoyé. Ie leur ay donné la clarté, laquelle tu mas donnée, afin qu'ilz soyent vn, ainsi que nous sommes vn. Ie suis en eulx, & toy en moy.

afin qu'ilz soient confommez en vn, & que le mōde congnoisse que tu m'as enuoyé, & que tu les aymes, ainsi que tu m'as aymé.

Pere, ie veulx que ceulx la, lesquelz tu m'as donné soyent aussi avec moy la ou ie suis, afin qu'ilz voyēt ma clarté, laquelle tu m'as donnée: car tu m'as enuoyé deuant la constitution du monde.

Pere iuste, le mōde ne t'a point cōgneu
Mais ie t'ay congneu: & ceulx cy ont cōgneu que tu m'as enuoyé.

Je leurs ay baillé à congnoistre ton nom
& leurs feray congnoistre: afin que
la dilection de laquelle tu
m'as aymé soit en
culx, & moy
culx.

Fin de la Fontaine de Vie.

Enseignement pour bien en
doctriner les ieunes en-
fans à bien viure, en
l'obeissance qu'il
doiuēt a pe-
re & à me-
re.

Exo. 20.

Deut. 5.



Onnore ton
pere & ta me-
re, cōme l'e-
ternel ton
Dieu t'a
commandé,
afin que tes
iours soyent
prolōgez, &
afin qu'il te

Epb. 2.

soit bien sur la terre.

Celuy qui craint le seigneur, faict hō-
neur à ses parens, & fera à ceulx qui l'ōt
engendré, comme aux seigneurs, en œu-
re & en parolle, & en toute patience.

Eccl. 3.

Honore ton pere, afin que benedi-

Et non vienne sur toy.

Mauldict soit celuy qui n'honore son pere & sa mere, & tout le peuple dira: ain
si soit il. *Deut. 22.*

Enfans, obeyſſez à voz peres, & à voz meres, en noſtre ſeignr: car cela eſt iuſte. *Eph. 6.*

Qui donne trauail à ſon pere, & debou
te ſa mere, il eſt infame, & digne d'op-
probre. *Prou. 19.*

Qui aura frappé ſon pere, ou ſa mere,
meure de mort.

Qui aura maldiſt à ſon pere, ou a ſa
mere, meure de mort. *Exo. 21.*

Qui maldiſt ſon pere, ou ſa mere, ſa lu
miere ſera eſtaincte au milieu des tene
nebres. *Leuit. 20. Pro. 20.*

Tu doibs eſtre recordz quelz & combié
grãdz perilz à ta mere ſouffert pour toy
en ſon ventre. *Tho. 4.*

Qui pille ſon pere & ſa mere, & n'ye
que ce ſoit peché, ceſtuy eſt le cõpagnon
de l'homicide. *Prou. 28.*

L'œil qui ſe mocque du pere, & meſpri
ſe l'eſeignemēt de la mere, les corbeaulx
du fleue le creuerōt, & les petits Aigles
le deuoreront. *Prou. 30.*

Qui hõnore ſon pere, il ſe reſiouira en
ſes enfans: il ſera exaulcé es iours de ſon
Ec. 30.

oraison.

Eccl. 3. Ne te glorifie point en la contumelie de ton pere, car tu n'eaurois point de gloire, mais de la confusion.

Eccl. 4. La gloire de l'homme vient de l'honneur de son pere, & le deshonneur du filz le pere sans honneur.

Eccl. 3. Qui obeyt a son pere, il cõsole sa mere.

Eccl. 3. Sois records que sans eulx tu ne fusse nay: & leur rēdz cõme ilz ont faiēt à toy.

Eccl. 3. Filz, reçooy la vieillesse de ton pere, & ne te contriste point en sa vie: & si son sang default, pardonne luy: & ne le desprise point de toute ta vertu.

Mat. 10 Qui ayme son pere, ou sa mere pl⁹ que moy, il n'est pas digne destre des miens.

Mat. 1. Ne soyez pas comme voz peres, cõtre lesquels les premiers Prophetes crioyēt.

Quiconques aura laissē maison, ou freres, ou seurs, ou pere, ou mere, ou femme ou enfans, ou champs, pour mon nom il en receuera cent fois plus, & possedera vie eternelle.

Eph. 6. Enfans, obeyſſez à voz peres & meres: car cela est iuste.

O le grād vitupere qui est a l'enfant qui laisse auoir faulte a son pere sans

luy secourir, & l'enfant est maudit de dieu
s'il est ingrat, & rude a sa mere.

(Les enfans de sapience, sont de l'egli
se des iustes.)

Eccl. 3.

Enfans, retenez la bonne doctrine de
voz parens : car en se faisant vous serez
sauuez.

Le deuoir des peres en- uers leurs en- fans.



Peres, ne iritez point voz
enfans à indignation, afin
qu'ilz ne se descouragent.

Colos. 3.

Peres, ne prouoquez
point a courroux voz en-
fans, mais nourrissez les en toute di-
scipline & correction, selon nostre Sei-
gneur.

Colos. 6.

Ces parolles que moy mesme te com-
mande auiourd'huy seront en ton cœur
& les raconteras à tes enfans, & parle-
ras d'icelles toy estant resident en ta mai-
son, & cheminant en la voye, & en cou-
chant, & en te leuant

Deut. 16.

Eccl. 16.

Ne te resiouis point es filz qui sont

fans pitié, & ne te delecte point sur eulx
si la crainte de dieu n'est point en eulx.

Garde diligemment la fille que se de-
storne a part: afin que apres auoir trou-
uée occasion: elle ne s'abuse d'elle mes-
me.

Mieux vault vn seul qui craint dieu, que
mille enfans meschans.

Mieux vault mourir sans enfans, que
laisser de meschans enfans.

Fin.

AULTRES ORAISON

extraictes de la vie de
Iesuchrist.

*Des pecheurs & publicains receu par
Iesus Christ, Oraison.*

O Eternelle bonté Seigneur Iesus Christ,
ce à esté ton bon plaisir de venir en ceste
vallee de misere, seulement pour chercher ta
paoure brebis laquelle estoit perdue. Car tant
& si longuement que toy mesme tu nes point
venu, il n'estoit point possible qu'elle eust sceu
trouuer la droite voye : car nul n'est la voye si
non toy. O charité ardanre que tu as vers no-
s combien que soyons perdus & fouruoyez, tu
ne cesses de nous appeller : & tu n'es point
content de quelque messagier que tu as enuo-
yé, tant que toy-mesme es venu pour nous dō-
ner à cognoistre que tu ne demandes point no-
stre damnation : mais que nous venions à
toy. Tu nes point aussi venu pour ces saints
Scribes & Pharisiens, qui ne sont pas comme
les autres: car ilz estoyent si iustes en eux mes-
mes, qu'ilz n'auoient que faire de toy ne de tō
Pere, par ainsi te venoyent à condamner &
tous ceulx qui te receuoyent & croyoyent en

roy. Mais bon Seigneur Iesus Christ, aye pitié de nous. Nous confessons nos pechez & mauuaise vie, & sommes pareilz à ceux que les Scribes & Pharisiens condamnoyent: parquoy avec le Publicain nous disons & te prions: Seigneur Iesus sois propice à nous paoures pecheurs, & nous pardonne nos offenses, qui es viuant & regnant avec le Pere, en l'vnité du saint Esprit à tousiours. Ainsi solt-il.

De la guarison d'une femme, qui auoit esté long temps malade, Oraison.

O Mon Sauueur & redempteur Iesus Christ regarde à ma paoure ame, comment elle à este l'espace de dixhuit ans malade & possedee de l'esprit d'infirmité, ascauoir toute ma vie, depuis ma ieunesse iusques à ce iour present, tellement qu'elle ne se pouuoit tenir droite, & à esté tousiours courbe, baissant en terre, desirant les choses de la terre, & non point pensant ne meditant à ce qui est d'enhault. Parquoy peut aussi bien estre cōparee au figuier, qui auoit de belles fueilles, mais poinct de fruiçt, comme ie suis moy miserable pecheur, ayant tant de parolles de toy, voulant reprendre & corriger les autres, mais moy mesme ie ne porte point de fruiçt. Aye donc pitié de

Moy: enuoie donc ouuriers qui me annoncent ta Loy viuement: afin que ie puisse faire penitence, & receuoir ta grace & auoir vraye Foy enuers Dieu, & charite enuers mon prochain, par ton moyen ô Seigneur Iesus Christ, qui es viuant & regnant avec le Pere & le saint Esprit. Ainsi soit-il.

Des ouuriers de la vigne, Oraison.

O Trescher & misericordieux Pere celeste, nous te rendons graces & louenges que ce à esté ton bon plaisir, & des le commencement du monde, de nous môstrer ton amour & faueur que tu as enuers nous: qui sommes deuenus si ingrats, que nous auons mis en oubli & nonchaloir tous les biens que tu nous as faits. Nous ne sauons comprendre, ne entendre tes œuures: nous ne sommes iamais contens de toy, & venons tousiours à murmurer contre ta bonté. Fay donc Seigneur que nous ayons vn cœur contrit, & que nous te rendions graces de toutes tes œuures sans quelque murmure, croyans que tout ce que tu nous fais & enuoyes est pour nostre salut, par Iesus Christ, nostre Seigneur. Ainsi soit-il.

*De l'hydropique guari au iour du
sabath, Oraison.*

O Bon Seigneur Iesus Christ, qui es venu en ce monde pour estre le vray Medecin de noz ames, nous te requerons que ce soit ton bõ plaisir de regarder à nostre hydropisie, qui est toute la nature humaine, en laquelle il n'y a point de santé, depuis en hault iusques en bas, noz cœurs sõt pleins d'avarice, & tellemẽt auuglez (ainsi que l'hydropique qui plus boit & plus veut boire) que tant plus en auons, tant plus en voulons auoir. Nous sommes aussi enflẽz & esleuez en orgueil & pompe des biens de ce monde: & sommes dignes d'estre deboutez arriere de toy. Mais bon Iesus qui cognois nostre necessitẽ mieux q̃ nous-mesmes regarde sur nostre paourete & misere, & no^s donne grace, que no^s no^s puissions yci humilier, à fin que puissions apres ceste vie estre exaucez, par ton moyen ô Iesus Christ nostre Sauueur, qui es viuant & regnant, &c.

Du faux Riche & bon Lazare,

Oraison.

O Pere celeste, qui iamais ne delaissez ceux qui ont esperãce en toy, comme tu nous montres en cest Euangile du paoure Lazare: combien que soyons delaissez & abandonnez de noz parens & amis, & de noz aidans, si ne faisons nous aucun de

toy delaissez. Mais il no⁹ fault entēdre q̄ ceux
q̄ tu aimes tu les chasties. Dōne nous donc gra
ce, que quand nous serons chastiez de toy, no⁹
puissions auoir telle confiance en roy à fin que
quand nous partirons de ceste vie nous puif
sions estre receus au sein d'Abraham, Par ton
fils Iesus Christ. Ainsi soit-il.

*De la demande des enfans de Zebe
dee. Oraison.*

Seigneur Dieu tresclement & misericordi
eux Iesus Christ, dōne-nous grace que no⁹
puissions prier en ton saint Nom. Fais aussi,
que nous qui sommes baptizez en tō Nom, te
puissions tousiours ensuyuir en gardant tes
commandemens. Donne nous aussi ceste foy
non fainte, laquelle œuure par charite : à fin
que puissions boire ton saint calice, & souffrir
la mort (s'il est necessité) pour ton saint Nom :
& que par telle maniere nous puissions ensuy
ure nostre Chef, q̄ est toy-mesme Iesus Christ,
& ainsi paruenir au Royaume de gloire, qui
est la vie eternelle par ton moyen Seigneur
Iesus Christ, qui es viuant & regnant avec le
Pere. Ainsi soit-il.

*De l'auueugle mendiant au chemin.
Oraison.*

O Eternelle lumiere de nos ames nostre
Seigneur Iesus Christ, nous te priés tres

humblement qu'il te plaise nous enluminer
& donner telle cognoissance , que nous ne
soyons trouuez aueugles hors du chemin , &
que ne cheminiōs pas hors de la voye de veri-
té: à fin que ne soyons lassez en la voye d'ini-
quité & de perdition . Mais Seigneur Fils de
Dauid aye mercy de nous. Fais donc que nous
ayons ceste foy & esperance en toy , que tu es
celui seul nostre Sauueur, nostre Maistre , no-
stre Roy & mediateur, nostre Paix & Iustifica-
tion. Fais aussi que nous soyons enluminez
interieurement pour cognoistre tes misteres.
Et quant nous oyons que tu es Iesus de Naza-
reth, qui passe aupres du chemin ou nous som-
mes fouruoyez, & que aucuns quelconques ils
soient , nous viennent à dire & defendre que
ne crions point apres toy: fais que nous crions
tant plus fort, Iesus Fils de Dauid aye merci de
nous & que nostre foy soit telle, que tu es vra-
yement selon ton humaintie de la semence de
Dauid , & as prins nostre nature humaine au
ventre de la tresbenoite & bien heureuse , sur
toute autre creature, vierge Marie: de laquelle
tu es descendu en ce mode: à fin qu'à tous ceux
qui estoient aueugles, tu leur rendisses la veüe
Fais donc, Seigneur, que nous ayons ceste Foy
& cognoissance, a fin que quand il nous faudra
partir de ceste vie , tu commandes à tes saints

Anges, que il nous ameinent à toy, & que puissions oyr de toy ceste bonne nouvelle, Va en paix: ta foy t'a sauué, par ton moyen ô Iesus Christ nostre Seigneur & Sauueur.

Ainsi soit-il.

De la Cene de Iesus en Bethanie,

Oraison.

O Bon Seigneur Iesus Christ, qui es venu en Bethanie pour ressusciter le Lazare, & pour nous donner à cognoistre, que tu es vni avec Dieu ton Pere, lequel est Tout-puissant: donne nous grace que puissions fermement croire, que le diable, la mort, ne damnation, n'a point de puissance sur ceux qui croient en toy, ne aussi en ceux qui sont lauez par ton precieux sang en leur baptesme, moyennant qu'ils ne soient point resistans à la verité, comme estoient les Iuifs qui vouloient aussi tuer le Lazare, pourtāt que la multitude croyoit & alloit apres toy. Fais donc que nous allions croyons & demeurions aupres de toy, qui es la vie eternelle. Ainsi soit-il.

De l'entree de Iesus en Ierusalem

Oraison.

O Bon Seigneur Iesus Christ ce à esté ton bon plaisir de faire ton entree en Ierusalem. Mais non point comme vn Roy de ce

monde, qui fait son entree, quand il reçoit son
pais: Mais toy Seigneur, tu vinds humblemēt
seant sur vne anesse. Tu ne fais aussi aucun
bruit par tes seruiteurs, tu ne viens point aussi
pompeusement, mais humblement sur vne
paoure beste, à fin que nul ne soit espouuanté
de toy: en nous donnant à entendre, que tu
nous veux tirer à toy par ta bonté, à fin que
nous croyons que tu es le vray Messias, lequel
estoit promis par le Prophete, Disant: Dites à
la fille de Sion, Voyci ton Roy vient pour toy
debonnaire. Fais donc Seigneur, que nous so-
yons la fille de Sion, & que nous tenions la
vraye foy en l'vnité de ta sainte Eglise: laquel-
le est avec tous ses membres la vraye fille de
Sion. Donne aussi grace que nous te confessi-
ons nostre Roy seul, & que nous ne te renon-
çons point, quand nous sommes appellez &
interrogez de nostre Foy, comme firent les
Juifs deuant Pilate. Fais aussi que ton sang
yienne sur nous & sur noz enfans pour nostre
salut, à fin que puissions estre marques & cer-
tains, que nous sommes ton peuple & ceuz
qui appartiennent à ton regne.

Ainsi soit-il.

Fin des oraisons.

Introduction, pour les Enfants.

† A. a. b. c. d. e. f. g. h. i. k. l. m. n.
o. p. q. r. s. t. v. u. x. y. z. & .^o.

Quand l'ëfant est paruenü
à discretion, doit pre-
mier sçauoir, que
c'est de Dieu.



Dieu est puissance, sapience,
& bonté infinie, sans com-
mencement, & sans fin, ve-
rité immuable, iuste, & mi-
sericordieux: vn seul Dieu en trois per-
sonnes, Pere, Filz, & saint Esprit: au-
quel sont toutes choses, par lequel sont
toutes choses faictes: & duquel sont
données toutes choses.

Secondement, doit con-
gnoistre soy mesmes, à sça-
uoir, que c'est de l'homme.

L'Hōme est crée à l'image de Dieu, par le peché de nostre pre : ier Pere Adam rendu paoure, meschant, ignorāt le bien, inconstant, desirant honneur, hypocrite, subiect à peché, auquel il est nay, & conceu.

Pout se cōgnoistre tel, fault, q̄l apprēne la Loy de Dieu: la q̄lle mōstre ce, qu'il d oibt faire, & nōn faire: & sont les dix commendements.

Le premier cōmendemēt.

Dieu dict, Je suis ton Seigneur Dieu, tu nauras poit autres Dieux deuant moy.

Le second.
Tu ne prendras point le nom de ton Seigneur Dieu en vain.

Le tiers.
Aye souuenante de sanctifier le iour du sabbat, ascauoir le saint Dimēche, & festes commēdées.

Le quatriesme.

Honore ton Pere, & ta Mere, affin, que tu
soys de longue vie sus la terre, non seule-
ment de ce monde, mais aussi de l'autre,

Le cinquiesme.

Tu ne occiras point, ne blesseras personne,

Le sixiesme.

Tu ne desroberas point.

Le septiesme.

Tu ne commettras point paillardise.

Le huytiesme.

Tu ne diras nul faulx tesmoignage con-
tre ton prochain.

Le neufiesme.

Tu ne conuoyteras point le bien de ton
prochain.

Le dixiesme.

Tu ne desireras point la femme d'iceluy,
ne le seruiteur, ne la seruante.

Et pource que la Loy le mōstre
pecheur, & q̄l ne trouue point
de bien en luy, il fault, qu'il sa-
che, que son salut est en Iesus
Christ: duquel est dict Luc 1.

L'ange Gabriel fut enuoyé
de Dieu à la Vierge
Marie, disant.

IEte salue Marie pleine de grace, le Sei-
gneur Dieu est avec toy. Voicy, tu con-
ceuras en ton ventre, & enfanteras vn Filz
& appelleras son nom I E S V S. Dont Élizā-
beth dist à Marie, Tu es benoiste entre les
femmes, & beneist est le fruit de ton vêtre
I E S V S C H R I S T. Amen.

Après luy fault apprendre cō-
ment il pourra paruenir à sa-
lut, assauoir par croyre de
cœur, & confesser de bouche
ce qui s'ensuyt.

IE croy en Dieu le Pere tout puissant, cré-
ateur du ciel, & de la terre.

Et ē Iesus Christ sō seul filz nostre Seignr.
Qui à esté conceu du saiuct Esprit, & né de
de la vierge Marie.

Qui à souffert soubz Ponçe Pilate, & à esté
crucifié, mort, & enseuely, & descendit
aux enfers.

Le tiers iour ressuscita de mort à vie.

Il est monté aux cieulx , & sied à la dextre
de Dieu le Pere tour puissant.

De la viendra iuger les vifz, & les mortz.

IE croy au saint Esprit.

La sainte Eglise catholique.

La communion des saintz.

La remission des pechez.

La resurrection de la chair.

La vie eternelle. Amen.

Je croy à tous ces articles, nō pas seule-
mēt, qu'ainsi est, & à esté fait, mais aussi,
que pour moy il est ainsi, & qu'ainsi à esté
fait pour mon salut. Parquoy maintenant
croyant, qu'en ceste Foy suis baptizé au
Nom du Pere, & du filz, & du saint Es-
prit, ie renonce au Diable, & à toutes ses
œuvres, & ses pompes, & desire de seruir à
Dieu seul.

Et pour auoir grace de ce
faire, fault, qu'il la demande
par l'oraison que Iesus Christ
enseigna à ses disciples: de la-
quelle pour speciale ayde, cō-
gnoissāt la necessité, & soy cō-

fiant en l'abõdance misericorde de Dieu, doibt ainsi prier.

NOstre Pere, qui es es cieulx.
Ton nom soit sanctifié.

Ton Royaulme vienne à nous.

Ta volonté soit faicte, ainsi en la terre,
comme au ciel.

Dõne nous aujour d'huy nõstre pain quotidien.

Et nous pardonne noz offenses, ainsi que
nous pardõnons à ceulx, qui nous ont
offensé,

Et ne nous induy point en tentation.

Mais deliure nous du mauuais. Amen.

Et pour se pparer deuement à
obtenir ce, qu'il demãde, fault
premier qu'il s'esprouue soy
cõgnoissant, & confessant pre-
micrement à Dieu, disant.

IE me confesse à toy Seigneur Dieu tout
puissant, que moy miserable pecheur ay
offensé contre ta loy toute ma vie par pen-
sée, par parole, & par œuure : tellement

que par ma seule coulpe suis digne de d^é-
nation. Mais ie te prie Seigneur Dieu, que
par le merite. & passion de ton Filz Iesus
Christ tu ayes, mercy de moy paoure pe-
cheur, Amen;

Après quand le temps, & ne-
cessité requiert pour se cōfes-
fer au prebtre à ce commis,
peult dire.

IE me confesse à Dieu tout puissant, & a
vous. N. congnoissant, que des ma nati-
uité n'y à en moy nul bien venant de moy,
mais tout mal y abonde, tellement que
aussi le bien, que Dieu veult faire en moy,
est souuentesfoys souillé, & rebouté par
ma malice, & en ce me trouue si confuz,
que n'ay quelque espoir de salut, si ce n'est,
que Iesus Christ mediateur de tous pe-
cheurs ayt pitié de moy. Et pōurtant mon
trescher pere spirituel ie vous requiers,
que priez pour moy: & que par la parol-
le de Iesus Christ me donniez conseil,
& confort: affin que ie croye (ou pour le
moins coniecture) que mes pechés me
sont pardonnés, par le merite de la pas-
sion, & en vertu de la presente confession,

en sentant en moy amour de vertu, & hayne de peché, & que desormais aye le remede pour moy garder. Amen.

L'oraison, & consolation du confesseur.

LE Seigneur Dieu tout puissant, par le merite de Iesus Christ ayt misericorde de vous, & vous vueille pardonner toutes voz defaultes. Amen. Mon frere puis, qu'avez bon desir, ayez confiance en Iesus Christ, & iugez probablement, que voz pechés vous sont pardonnés, allez en paix & ne pechez plus.

Après, que l'enfant est instruit de la Loy, de la Foy, & d'oraison, s'il veult pourfuyure outre à l'estude, doibt dire.

O Seigneur donne nous entendement, & memoire par ton saint Esprit: afin, que par la congnoissance des escriptures no⁹ puissions enquerir en ta loy, & en ta iustice, pour les garder à tousiour. Amē.

Après, quant le temps vient

de foy tourner à quelque e-
stat, doibt dire.

S Eigneur donne nous à congnoistre la
voye, & l'estat, auquel nous debuons
cheminer, & viure, en nous montrant tou-
siours tes voyes, & la maniere de te suy-
ure. Amen.

En quelque estat, que Dieu
l'ayt appellé, se doibt gouuer-
ner comme il s'enfuyt.

Premierement, quand au ma-
tin est esueillé, doibt
dire.

B Eneict soyt le nom de Dieu. O bon
Seigneur ie te remercie, de ce qu'il t'a
pleu par ta grace, sans que l'ayôs desseruy,
de nous garder ceste nuyct: donne nous,
que puissions commencer, & acheuer ce
iour icy en ton saint seruice, tellement,
que nostre œuure te plaise. Et nous garde
par ta bonté tout le iour de toy offenser
par peché. Amen.

Quand il commencera
son œuure.

Signeur Dieu, qui as crée l'hōme pour
 laocurer, donne nous au cōmencemēt
 la grace de ton saint esprit : & no^r ayde ē
 poursuyuāt n^re œuure, affin q̄ tout ce, que
 faisons, cōmence, & fine par toy. Amen.

Pource, qu'il faut, q̄ l'homme
 mange pour labourer, deuāt,
 qu'il prenne son repas, dira.

Nostre bon Pere tout puissant,
 Qui gouernes ta creature:

Ouure ta main nous beneissant,
 Pour sobrement prendre pasture.

Donne nous par ton escripture,
 Que noz espritz soyent nourrys,

Et tes biens donnés par ta cure
 Aussi de toy soyent beneis.

Au nom du Pere † & du Filz † & du
 saint Esprit. † Amen.

Nostre pere, qui es es cieulx, & &c.
 Beueez, mangez, recongnoissants,

Que tous biens sont de Dieu venants)

Les graces apres le repas.

Pere Eternel te rendons grace

De tous les biens que nous as fait,

Nous enclinants deuāt ta face

Si par exes auons forfait.

Nous te prions pour tout mal fait,
 En disant la sainte oraison,
 Que ton filz I E S V S nous à fait,
 Pour obtenir de toy pardon.

Nostre pere, qui es es cieulx, &c.
 Louange à Dieu de tous ses biens,
 Qui nous gouerne, & sommes siens.

Après, qu'il aura fait son labeur pour la journée, & qu'il voudra aller reposer, dira ce, qui s'ensuyt.

Seigneur apres, que par ta grace auons passé ce iour icy, ie te prie, que nous pardonnes ce, qu'en iceluy t'auons offensé: & nous deffends en ceste nuyct de tout dangier: affin, qu'en toy paissions reposer pour demain deuement pour suyure ce, à quoy tu nous as ordonnés. Amen.

Et en toutes ces choses predites fault que le Chrestien s'accoustume iournallemēt.

Après suyuent aucunes oraisons particulieres. Premierement, quand il se trouuera à l'Eglise, ou en quelquelieu pour prier, dira.

O Seigneur Dieu, ton filz Iesus Christ nous à promis, que tout ce, que nous te demanderons en son Nom, tu le nous donneras: moyennant, que le demandions en vraye foy, & pout nostre salut, & amendement ainsi, & selon, que le congnoistras aussi presuppôsé, que de nous mesmes n'y mettions empeschement sans vaciller, que les oreilles de ta misericorde soyent maintenant ouuertes aux prieres de ceulx, q te supplient: & affin, que misericordieusement tu nous donnes ce, que te demanderons, fais nous demander ce, qui est à la gloyre de ton saint Nom. Amen. Puis dira Nostre pere, &c.

S'il veult sauuer Iesus Christ nre redẽpteur, speciallemẽt au saint sacremẽt de l'autel, dira

JE te salue Saulueur du mōde, parolle, & sa piẽce du Pere, par lequel sommes formés, & racheptés: qui est le pain vis descen du du ciel pour estre vray Dieu, & vray hōme, & pour faire sainte oblation pour tout le monde, aye mercy de nous. Amen.

S'il va en quelque voyage,
dira ainsi.

Signeur, & redempteur Iesus Christ, Sainſi, que tu t'accompaignas avec les deux, qui alloyent en Emaus le iour de ta reſurrection : ſoys maintenant avec nous en ce voyage: afin qu'en ayant de toy parfaite cõgnoiſſance, nous puiſſions ioyeuſemēt paracheuer noſtre affaire: & finalement apres le paſſage de ce monde paruenir à la ſaincte cité de Ieruſalem, qui eſt la viſion de ton eſſence. Amen.

Quand il ſe ſentira fort oppreſſé de pechés, dira ainſi.

Signeur Dieu ſoys propice à moy pauvre pecheur ſelon ta "grand" miſericorde, deſtourne ta face de mes iniquités, crée en moy vn cueur nect, & renouuelle ē moy vn droict eſprit. Ne me reiecte point de ta face, & n'oſte point ton ſainct Eſprit de moy. Amen.

Contre les empeschements
des biens de ce monde.

Prouerb. 30.

Signeur Dieu, ne me donne en ce monde icy ri cheſſe, ny pauuete: mais donne moy ſeulement ce, qui eſt neceſſaire à ma vie, afin que par trop grãd'abõdãce ie

m'esleue, & que ne congnoisse pas Dieu
ou, que ne soys contrainct par trop gran-
de necessité à impatience, & à desrober.

. Amen.

Contre les empeschemens
de charnelle concupiscence.

SEigneur Dieu destourne mes yeulx,
Squ'ilz ne voyent quelque vanité : & me
rends vertueux pour suyure tes voyes. Mō
cœur soit du tout enclin sans souillure en
tes commandemens, affin que ne soys cō-
fuz. Amen.

S'il vient à estre au seruice
de quelcun.

SEigneur Dieu, qui as commandé par
tes Apostres, que les seruiteurs en toute
crainte, & amour obeyssent, & seruent à
leurs Siegneurs bons, ou mauuais, donne
moy grace, qui ie puisse seruir, non pas seu-
lement, cōme plaissant aux hommes, mais
comme seruiteur de Iesus Christ, faisant la
voulonté de Dieu de couraige, & seruant
aux hommes volontairement, comme au
Seigneur. Amen.

S'il vient à auoir seruiteurs,
ou quelque famille à

gouuerner.

O Seigneur Dieu. qui nous as enseigné par ton Apôstre. que les maistres, ou Seigneurs facent à leurs seruiteurs ce, qui est iuste, sçachant, que nous auons vn mesme Seigneur au ciel: assiste moy par ta sapience, affin que me puisse tellement gouuerner enuers eulx, qu'en moy te puissent vrayement congnoistre, aymer, seruir, & honorer. Amen.

Quand il sera malade, ou
en quelcque tribu-
lation.

O Seigneur Dieu, qui travailles, & flagelles ton peuple, non pas pour selō ses desertes le punir, mais pour le misericordieusement à toy conuertir: neantmoys toy congnoissant nostre fragilité, donne nous par là cōsolation de ta grace, qu'a la gloyre de ton Nom soyons deliurés de ce, que meritoirement nous souffrons. Amen.

Finablement, quand il
vient en extremité
de maladie pour
rendre son a-
me à Dieu
dira.

Seigneur, qui es la part de mon heri-
tage, & le tresfond de ma possession,
tu es celuy, qui restitueras mon heritage,
Je te recommande mon esprit en
tes mains, Seigneur Dieu de ve-
rité tu m'as racheté, &
pour luy ne permets,
que ie renché aux ly-
ens de mes ennemys,
& les tiens.

Amen

F I N.